

萬 有 文 庫

第 二 集 七 百 種

王 雲 五 主 編

廣 羣 芳 譜

(三)

清 聖 祖 敕 撰

商 務 印 書 館 發 行

廣 羣 芳 譜

(三)

清聖祖敕撰

國 學 基 本 叢 書

廣羣芳譜卷第十

穀譜

大豆 按黑豆黃豆皆名大豆原譜分而爲二今從齊民要術併合爲一

○**豆**者莢穀之總名也。大者謂之菽。○**本草**【大豆有黑白黃褐青斑數色。○**黑**豆處處有之。苗高三四尺。蔓生。莖葉蔓延。葉團有尖。色青帶黑。上有小白毛。秋開小白花成叢。結莢長寸餘。多者五六粒。亦有一二粒者。經霜乃熟。緊小者爲雄豆。入藥良。大者止堪食用。作豉及喂牲畜。味生則平。炒則熱。煮則寒。作豉主發散。造醬及生黃卷。平。牛食之溫。馬食之冷。一體之中。用之數變。小兒以炒豆同猪肉食。多壅氣致死。十歲以上則無妨。服葷麻子及厚朴者。並忌炒豆。犯之脹滿致死。黃豆亦有小大二種。種耘收穫。苗葉莢其與黑豆無異。惟葉之色稍淡。結角比黑豆稍肥。其豆可食。可醬。可豉。可油。可腐。腐之滓可喂猪。荒年人亦可充饑。油之滓可糞地。其可然火。葉名藿。嫩時可爲茹。○**廣志**【有黃落豆。有御豆。其豆角長有場豆。食可有青有黃者。】**齊民要術**【今世大豆有黑白二種。及長梢牛踐之名。又有黑高麗豆。鸞豆。大豆類也。】

○**詩**【豳風】七月亨葵及菽。○**小雅**【中原有菽。庶民采之。采菽采菽。筐之筥之。】**傳**【菽所以莩

太牢而待君子也。【箋】采之者采其葉以爲藿。三牲牛羊豕芼以藿。王饗賓客有生俎。乃用鉶羹。故使采之。【園】大雅。藜之荏菹。荏菹。蒟蒻。【圖】禮記檀弓。啜菽飲水盡其歡。【月令】孟夏之月。天子食菹。

與雞。【注】菹實孚甲堅合屬水。雞木畜。時熟食之。亦以安性也。【園】左傳。周子有兄而無慧。不能辨菹。

麥。【注】菹大豆也。豆麥殊形易別。故以爲癡者之候。【圖】戰國策。張儀爲秦連橫。說韓王曰。韓地險惡。

山居。五穀所生。非麥而豆。民之所食。大抵豆飯藿羹。【注】藿菹之少者。姚云。史記後語作飯菹而麥。下文

亦作菹。古語只稱菹。漢以後方呼豆。【史記周后稷本紀】棄爲兒時。屹如巨人之志。其游戲好種樹麻。

菹。麻菹美。【前漢書鮑宣傳】漿酒藿肉。【注】師古曰。藿豆葉也。【楊惲傳】惲報孫會宗書詩曰。田彼

南山。蕪穢不治。種一頃豆。落而爲其。人生行樂耳。須富貴何時。【後漢書馮異傳】王郎起。光武自薊東

南馳。晨夜草舍。至饒陽蕪萑亭。時天寒烈。衆皆饑疲。異上豆粥。明日光武謂諸將曰。昨得公孫豆粥。饑寒

俱解。後帝卽位。使中黃門賜以珍寶。詔曰。倉卒蕪萑亭豆粥。滹沱河麥飯。厚意久不報。【晉書良吏傳】

吳隱之。介立有清操。雖日晏歡菹。不饜非其粟。【隱逸傳】翟莊端居筆門。歡菹飲水。州府禮命。及公車

徵並不就。【北齊書庫狄伏連傳】冬至之日。親表稱賀。其妻爲設豆餅。伏連問此豆因何而得。妻對向

於食馬豆中分減充用。伏連大怒。典馬掌食之人。並加杖罰。【唐書韋貫之傳】貫之居貧。噉豆糜自給。

【揚子】子有含菹縑絮。而致滋美其親。將以求孝也。【列子】周諺曰。晨出夜入。自以性之恒。啜菹茹

養自以味之極。【呂氏春秋】得時之豆長莖短足其莢二七爲族多枝數節競葉蕃實。【淮南子】河中濁而宜菽。【焦氏易林】中原有菽以待饗食飲御諸友所求大得。且樹菽豆暮成藿羹心之所樂志快心歡。【孝經援神契】赤土宜菽。【春秋佐助期】豆神名靈殖姓樂長七尺大目通於時節。【東觀漢紀】劉平嘗爲餓賊所劫叩頭曰老母饑少氣力待平爲命願得還飯食母馳來就死涕泣發於肝膽賊卽遣去乃撫三斗豆以謝賊恩。閔貢字仲叔大原人也與周黨相友黨每過仲叔共啜菽飲水無菜茹。【古今注】宣帝元康四年南陽雨豆。【世說】石崇爲客作豆粥咄嗟便辦恒冬天得韭萍蠶王愷爲搯腕乃密貨崇帳下都督問所以都督曰豆至難煮唯預作熟末客至作白粥以投之韭萍蠶是搗韭根雜以麥苗爾。【鷓鴣冠子】兩葉蔽目不見泰山雙豆塞耳不聞雷霆。【拾遺記】樂浪之東有背明之國宜種百穀有繞明豆其莖弱自相縈纏有傾離豆言其豆見日葉垂覆地食者不老不疾。【益都耆舊傳】朱倉字卿雲之蜀從處士張寧受春秋糴豆十斛屑之爲糧閉戶精誦寧矜之斂得米二十石倉不受一粒。【爾雅翼】八月雨爲豆花雨。【雙槐歲抄】溫陵人家中元前數日以水浸黑豆暴之及芽以糠皮寘盆內鋪沙植豆用板壓長則覆以桶曉則曬之欲其齊而不爲風日損也中元則陳於祖宗之前越三日出之洗焯漬以油鹽苦酒香料可爲茹捲以麻餅尤佳色淺黃名鵝黃豆生。弘治乙卯六月黦歛雨豆。隆慶六年四月陝西西寧衛天降黑豆徧地人食之則氣閉。

【賦】晉張華豆羹賦。乃有孟秋嘉菽。垂枝挺英。是刈是穫。充簞盈篋。香鑠和調。周疾赴急。時御一杯。下咽三嘆。時在下邑。頗多艱難。空匱之厄。固不輟權。追念昔日。啜菽永安。

【頌】宋蘇軾食豆粥頌。道人親煮豆粥。大衆齊念般若。老夫試挑一口。已覺西家作馬。

【五言古詩】魏曹植應詔作。煮豆然豆其。豆在釜中泣。本是同根生。相煎何太急。【晉陶潛歸園田居】種豆南山下。草盛豆苗稀。晨興理荒穢。帶月荷鋤歸。道狹草木長。夕露沾我衣。衣沾不足惜。但使願無違。

【七言古詩】宋蘇軾豆粥。君不見滹沱流澌車折軸。公孫倉皇奉豆粥。濕薪破竈自燎衣。饑寒頓解劉文叔。又不見金谷敲冰草木春。帳下烹煎皆美人。萍齏豆粥不傳法。咄嗟而辦石季倫。干戈未解身如寄。聲色相纏心已醉。身心顛倒自不知。更識人間有真味。豈如江頭千頃雪。色蘆茅簷出沒晨煙孤。地確春杭光似玉。沙瓶煮豆軟如酥。我老此身無著處。賣書來向東家住。臥聽雞鳴粥熟時。蓬頭曳履君家去。【方岳豆苗】江南之筍天下奇。春風匆匆催上籬。秦郵之薑肥勝肉。遠莫達之長負腹。先生一鉢同僧居。別有方法供齋蔬。山房掃地布豆粒。不煩勤荷煙中鋤。手分瀑泉灑作雨。覆以老瓦如穹廬。平明發視玉髻磔。一夜怒長堪冰苴。自親火候淪魚眼。帶生芼入晴雲椀。碧絲高壓涎滑蕻。脆響平欺辛螿燂。晚菘早韭各一時。非時不到詩人脾。何如此雋咄嗟辦。庾郎處貧未爲慣。

【詩散句】**園**唐杜甫相攜行豆田。秋花露霏霏。**園**宋楊萬里道邊籬落半遮眼。白白紅紅徧豆花。

【唐張九齡】場藿已成歲。【杜甫】豆子雨已熟。【宋蘇軾】秋霖暗豆莢。【陸游】宿雨飽豆莢。

豆莢雨中肥。【林景熙】蟲響豆花秋。**園**唐杜甫南山豆苗早荒穢。**園**許渾童子遙迎種豆歸。

【温庭筠】桑竹參差映豆花。【宋陸游】籬實傍籬收豆莢。【楊萬里】晚紫豆花初總角。【元李

孝光】豆遺晨壟茅齊白。【明高啓】白豆花開片雨餘。**園**孟淑卿豆花雨過晚生涼。

園種植槐無蟲宜豆。夏至前後下種。上旬種則花密莢多。宜甲子丙子戊寅壬午。及六月三卯日。

忌西南風。及申卯日。肥地宜稀。薄地宜密。纔出便鋤草淨為佳。使葉蔽其根。不畏旱。穫宜晚。莢赤莖蒼。葉

微黃方穫。**園**崔寔月令二月可種大豆。又二月昏參夕。杏花盛。桑椹赤。可種大豆。謂之上時。四月時

雨降。可種大小豆。【雜陰陽書】大豆生於槐。九十日秀。秀後七十日熟。豆生於申。壯於子。長於壬。老於

丑。死於寅。惡於甲乙。忌於卯午丙丁。【齊民要術】春大豆次植穀之後。二月中旬為上時。一畝用子八升三月

上旬為中時。用子一斗四月上旬為下時。用子一斗二升歲宜晚者五六月亦得。然稍晚稍加種子。地不求熟。秋鋒之

種地過熟者。苗茂而實少。收刈欲晚。此不零落。刈早損實。必須耨下。種欲深。故豆性強。苗深則及澤。鋒耨各一鋤。不過再。葉落盡。然後刈。葉不盡。則難治。

刈訖則速耕。大豆怕雨。秋不耕則無澤。種麥者。用麥底。一畝用子三升。先漫散訖。犁細淺。時而勞之。早則糞堅。葉落稀。則苗莖不高。深則

土厚。若澤多者先深耕訖。逆袋擲豆。然後勞之。澤少則否。為九月中。候近地葉有黃落者。速刈之。葉少不。黃必不。

鬱刈不速。逢風則葉落。盡遇雨。澤爛不成。汜勝之書曰。大豆保歲。易爲宜。古之所以備凶年也。謹計家口數。種大豆。率人五畝。此田之本也。三月榆莢時。有雨高田。可種大豆。土和無塊。畝五升。土不和。則益之。種大豆。夏至後二十日。尙可種。戴甲而生。不用深耕。大豆須勻而稀。豆花憎見日。見日則黃爛。而根焦也。穫豆之法。莢黑而莖蒼。輒收無疑。其實將落。反失之。故曰。豆熟於場。於場穫豆。卽青莢在上。黑莢在下。汜勝之區。種大豆法。坎方深各六寸。相去二尺。一畝得千六百八十坎。其坎成。取美糞一升。合坎中土攪和。以內坎中。臨種沃之。坎三升水。坎內豆三粒。覆上土勿厚。以掌抑之。令種與土相親。一畝用種一升。用糞十六石。八斗。豆生五六葉。鋤之。旱者溉之。坎三升水。丁夫一人。可治五畝。至秋收。一畝中十六石。【農政全書】種大豆。鋤成行。壟脊穴下。種早者。二月種。四月可食。名曰梅豆。【吳下田家志】種豆宜甲子乙丑壬申丙子戊寅壬午壬寅。【園服食】博物志。人食豆三年。則身重。行動難。左慈荒年法。用大豆粒細調勻者。生熟接之。令有光暖。徹豆心內。先日不食。以冷水頓服訖。一切魚肉菜果。不得復食。渴飲冷水。初小困。十日。後體力壯健。不思食。【抱朴子】相國張文蔚莊內有鼠狼穴。養四子。爲蛇所吞。鼠狼雌雄情切。乃於穴外。盆土壅穴。俟蛇出頭。度其回轉不便。當腰咬斷。而劈腹。銜出四子。尙有氣。實於穴外。銜豆葉嚼而敷之。皆活。後人以豆葉治蛇咬。蓋本於此。【延年祕錄】服大豆。令人長肌膚。益顏色。填骨髓。加氣力。補虛能食。不過兩劑。大豆五升。如作醬法。取黃搗末。以豬肪煉膏。和丸。梧子大。每服五十九。至百九。溫酒下。神驗。

秘方也。肥人忌服。【輟耕錄】黃山谷煮豆帖云。煮黑豆法。確豆一升。按莎極淨。用貫衆一斤。細剉如骰子。同豆斟酌水多少。慢火煮豆香熟。日乾之。翻覆令展盡餘汁。簸取黑豆。去貫衆空心。日嚼五七粒。食百草木枝葉皆有。味可飽也。【荆湖近事】陶華以鹽煮黑豆。常食之。云能補腎。蓋豆乃腎之穀。其形類腎。黑色通腎。引之以鹽。所以妙也。李守愚侵晨井華水吞黑豆五七粒。謂之五臟穀。至老視聽不衰。【製用】六月六日。以洗淨大黃豆煮熟。取出候冷。以麪爲衣。攤於席上。以衣蓋之。又用青蒿煨一七。取出曬乾。搓去麪黃。入缸煎紫蘇鹽湯候冷。浸豆與水平。每豆一斤。用鹽六兩。浸過一夜。取出和食香拌勻。裝淨罈內。令日曬四五日。從新搜過一次。再曬再搜。四五次用。

附錄 稽豆

圓稽豆。本草云。稽乃自生稽。一名登豆。一名登菽。一名治登。一名鹿豆。一名驢豆。黑豆中最細者。卽黑小豆也。野生。今下地亦種之。小科細粒。葉如葛。霜後熟。可蒸食。甘溫無毒。炒焦黑熟。投酒中。治產後冷血。

赤小豆

按廣雅云。小豆荅也。統而名之也。齊民要術云。小豆有綠赤白三種。曝豆。豌豆。蠶豆。留豆。亦其類也。今照本草分列於後。

圓赤小豆一名赤豆。一名紅豆。處處種之。夏至後下種。苗高尺許。葉本大末尖。至秋開花。淡銀褐色。有腐氣。莢長二三寸。比綠豆莢稍大。色微白帶紅。三青二黃時卽收之。可煮可炒。可粥飯。可作麪。食餚並良。久服則津血滲洩。令人肌瘦身重。合魚鮮食。成消渴。其稍大而鮮紅淡紅者。止可食用。色赤黯而粒緊小者。

入藥甘酸平無毒。心之穀也。性下行。能入陰分。行津液。利小便。消脹除腫。止吐。治下痢腸澼。解酒病。除寒熱。排膿散血。通乳汁。下胞衣。利產難。水氣脚氣。最爲急需。花名赤腐婢。解酒毒。明目下水。治小兒丹毒。葉去煩熱。煮食明目。

【賈】**賈**原【吳志趙達傳】達治九宮一算之術。使人取小豆數升。播之席上。立處其數。驗覆果信。【晉書

郭璞傳】璞至廬江。愛主人婢。無由而得。乃取小豆三升。繞主人舍散之。主人晨見赤衣人數千圍其家。就視則滅。甚惡之。請璞爲卦。璞曰。君家不宜畜此婢。可於東南三十里賣之。慎勿爭價。則此祟可除。主人從之。【歲時雜記】共工氏有不才子。以冬至日死。爲疫鬼。畏赤豆。故是日作赤豆粥厭之。【田家五行】十二月二十五日夜。煮赤豆粥。大小人口皆食之。在外之人。亦留分以俟其歸。謂之口數粥。亦驅瘟鬼之意。

【齊民要術】赤豆三月種。六月旋摘。遲者四月種亦可。宜稀稠得所。太密不實。

綠豆

【園】綠豆。本草云。綠以色名也。舊作藜非。圓小者佳。大者名植豆。功用頗同。四月下種。苗高尺許。葉小而毛。至秋開小白花。莢長二三寸。比赤豆莢微小。有二種。粒麤而色鮮者爲官綠。又名明綠。皮薄粉多粒小而色暗者爲油綠。又名灰綠。皮厚粉少早種者名摘綠。可頻摘也。遲種者名拔綠。一拔而已。其用甚廣。可作豆粥。豆飯。豆

酒。燭食炒食。水泡磨爲粉。澄濾作餌蒸糕。盪皮壓索。爲食中要物。亦可喂牲畜。真濟世良穀也。性甘寒無毒。肉平皮寒。用宜連皮。解金石砒霜草木一切諸毒。生研新汲水服。反櫃子穀害人。合鯉魚鮮。食久則令人肝黃成渴病。花及芽解酒毒。莢治赤痢。

【**湖山野錄**】真宗深念稼穡。聞占城稻耐旱。西天菘豆子多而粒大。各遣使以珍貨求其種。占城得種二十石。至今在處播之。西天中印土得菘豆種二石。不知今之菘豆是否。始植於後苑。秋成日。宣近臣嘗之。仍賜占稻及西天菘豆御詩。【**孫公談圃**】張文定嘗苦脚疾。無藥可療。一日遊相國寺。有賣藥者。得菘豆兩粒。服之遂愈。【**唐公之夔號抱一**。西粵人也。言其地無綠豆。每承舍入京。包中止帶斗餘。多則至某江。輒遇風浪不能渡。到彼中比於藥物。凡患時疾者用等秤買。一家煮豆。香味四達。兩鄰對門患病人。聞其氣輒愈。

【**別錄原**】種植綠豆宜刈了麻地上種之。太早不生莢。若其年李不蛀。則豆有收。忌卯日下種。【**樹書**】種菘豆地宜瘦。四月種。六月收子再種。八月又收。【**製用**】豆蠶先取濕沙納蠶器中。以綠豆勻撒其上。如種藝法。深桶覆藏室中。勿令見風日。一次掬水灑透。俟其苗長可尺許。摘取蟹眼湯綽過。以料蠶供之。赤豆亦可。然不如綠豆之佳。

白豆

圓白豆一名飯豆。小豆之白者也。亦有土黃色者。大如綠豆而差長。粥飯皆可用。四五月種。苗葉似赤小豆而微尖。嫩者可作菜。亦可生食。味甘平。調中補五臟。暖腸胃。腎之穀也。腎病宜食。浙東一種。味更勝。作醬作腐極佳。北方水白豆相似而不及。 **【圖】**本草一種。莖豆。葉如大豆。亦其類也。

豌豆

圓豌豆 本草綱目云。其苗柔弱宛宛。故得豌豆名。豌豆作豎音剗。 一名胡豆。 本草經云。張騫使外國得胡豆種。 一名戎菽。 爾雅云。戎菽謂之荏菽。注云。以戎菽備布於天下。 一名畢豆。 崔寔月令作躡豆。廣雅作躡豆。又名曰留豆。 一名青小豆。 一名青斑豆。 一名麻累。 本草綱目云。嫩時青色。老則斑麻。故有諸名。

一名回鶻。 唐書云。畢豆出回鶻地。飲膳正要作回回豆。即回鶻也。 一名淮豆。 農書云。俗呼豌豆。大者為淮豆。 一名國豆。 鄴中記云。石勒改為國豆。 種出西戎。北土甚多。八九月下種。亦有春種者。蔓生有鬚。葉似蒺藜。葉兩兩相對。嫩時可食。三四月開小花。如蛾形。淡紫色。結莢形圓。長寸許。子圓如藥丸。嫩時可煮食。老則可炒食。可作麪食。餡磨粉。麪甚白而細膩。出西戎者。大如杏仁。百穀之中最為先熟。又耐久藏。宜多種。可和醬作澡豆。去黥黯。令面光澤。亦可喂馬。性甘平無毒。調營衛。平氣益中。治消渴。淡煮食之良。煮食殺鬼毒。心病下乳汁研末塗癰腫痘瘡。

【圖】狀 **【圖】**唐陸贄請依京兆所請折納事狀 **【圖】**京兆府先奏當管蟲食豌豆。全然不收。請據數折納。大豆奉勅宜依度支續奏稱。據時估豌豆每斗七十價已上。大豆每斗三十價已下。京兆府所請將大豆替豌豆。望令各據估計錢數折納。則冀免損官司者。求瘼救災。國之令典。求瘼在知其所患。救災在恤其所

患。求瘼在知其所患。救災在恤其所

無。只如螟蟻爲殃。豌豆全損。檢覆若非虛謬。地稅固合免徵。直道而行。大體斯在。司府折納充數。已爲尅下從權。度支準估計錢。乃是幸災規利。所得無幾。其傷實多。傷風得財。非謂理道。且豌豆爲物。入用甚微。舊例所支。唯充畜料準數。廻給大豆。諸司誰曰不然。計價剩微。義將安在。理無所據。事不可從。望依前勅處分。未審可否。

【開鑿】農政全書】玄扈先生曰。豌豆與蠶豆各種。蠶豆之利倍於豌豆十倍。其耐陳則一也。

蠶豆 以下四種。原列蔬譜。今從本草移入於此。

原蠶豆一名胡豆。本草綱目云。豆莢狀如老蠶。故名。王禎農書謂其蠶時始熟。故名。亦通。吳瑞本草以此爲碗豆。誤矣。此種豆亦自西胡來。雖與豌豆同名。同時種。而形性迥別。太平御覽云。張騫使外國得胡豆種。歸指此也。今蜀人呼此爲胡豆。而豌豆不復名胡豆矣。南北皆有。蜀中尤多。八月下種。冬生嫩苗。可茹。莖方而肥。中空。葉狀如匙。頭圓而下尖。面綠背白。柔厚。一枝三葉。二月開花。如蛾狀。紫白色。結莢連綴。蜀人收其子備荒。性甘微辛。平無毒。快胃和臟腑。解酒毒。誤吞金銀等物者。用之皆效。

【七言律詩】宋楊萬里招陳益之李兼濟二主管小酌益之指蠶豆云。未有賦者戲作七言。翠莢中排淺碧珠。甘欺崖蜜軟欺酥。沙瓶新熟西湖水。漆榼分嘗曉露腴。味與櫻梅三益友。名因蠶繭一絲絢。老夫稼圃方雙學。譜入詩中當稼書。

【別錄】農桑通訣】蠶豆百穀之中。最爲先登。【農政全書】玄扈先生曰。蠶豆種花田中。冬天不拔。花

結用以拒霜。至清明後拔之。蠶豆八月初種。臘月宜厚壅之。此種極救農家之急。且蝗所不食。

豇豆

豇豆一名降籩。音絳雙本草綱目云此豆紅色居多。莢必雙。處處有之。穀雨前後下種者。六月子便可種。一年可兩收。四月種者。七八月收一種。蔓長丈餘。一種蔓短。懸架則蕃。鋪地則不甚旺。宜灰壅。其葉俱

本大末尖。嫩時可茹。其花有紅白二色。莢有白紅紫赤斑駁數色。長者至二尺。生必兩兩並垂。有習坎之義。子微曲。如人腎形。所謂豆為腎穀者。宜以此當之。性甘鹹無毒。理中益氣。補腎健胃。和五臟。調營衛。生精髓。止消渴。吐逆泄痢。小便數與諸疾無禁。但水腫忌補腎。不宜多食。此豆嫩時充菜。老則收子。可穀。可果。可菜。取用最。多。豆中上品也。

【附錄】**豇豆**【本草】昔盧廉夫教人補腎氣。每日空心煮豇豆。入少鹽食之。大有益。【袖珍方】中鼠莽毒者。以豇豆汁飲即解。欲試者先刈鼠莽苗以汁澆之。便根爛不生。此則物理然也。

附錄 黎豆

圓黎豆一名狸豆。一名黎沙。一名獵沙。見古注。其大者名虎豆。亦名虎沙。爾雅云。攝虎。桑注云。今虎豆。江東

即狸豆也。古人謂藤為桑。後人訛藥為狸矣。又云。黎黑色也。此豆莢老則黑。色有毛。露筋如虎狸指爪。其子亦有點。如虎狸之斑。煮之汁黑。故有諸名。野生。山中人亦有種之者。三月下種。生蔓。葉如豇豆。但文理偏斜。六七月開花成簇。紫色。狀如扁豆花。一枝結莢十餘。長三四寸。大如

拇指有白茸毛。老則黑而露筋。宛如乾熊指爪之狀。其子大如刀豆。淡紫色。有斑點。如狸文。煮去黑汁。同豬雞肉再煮食。味乃佳。

附錄馬豆

【古今注】馬豆一名馬沙。似虎豆而小。實大如指。亦可食也。

【雲仙散錄】品物類聚曰。白馬豆食之齒醉。虢國夫人廚吏鄧連。以洗豆皮作靈沙臠。供翠鴛堂。

菹豆

【原】菹豆一名沿籬豆。一名蛾眉豆。本草云。菹本作扁。莢形扁也。沿籬。蔓延也。蛾眉象豆脊白路之形也。二月種。蔓生。人家多種之。籬邊。或以

竹木架起。每又三枝。一居頂二對生。一枝三葉。亦一居頂二對生。葉大如杯。圓而有尖。花有紫白二色。狀

如小蛾。有翅尾形。莢生花下。花卸而莢現。及老長寸餘。有青白二色。形凡十餘樣。或長或圓。或如龍爪虎

爪。或如豬耳刀鎌。種種不同。皆壘壘成枝。一枝十餘莢成穗。白露後實更繁衍。子有黑白赤斑四色。圖經

云。黑者名鵲豆。蓋以其黑。間有白道如鵲羽也。每莢子或一或二三。一種莢硬不堪食。惟豆子蠶圓而色白者。可入藥。微炒用氣

味甘。微溫無毒。和中下氣。消暑暖脾胃。除濕熱。止消渴。解酒毒。河豚魚毒一切草木毒。

【原】明王伯稠涼生豆花。豆花初放。晚涼淒。碧葉陰中絡緯。嘯貪與鄰翁棚底話。不知新月照清溪。

【原】月令廣義。芒種前。扁豆開花。主水。【種植】清明下種。以草灰蓋之。不用土覆。芽長分栽。搭棚

引上。【農政全書】玄扈先生曰。以口向上。種之粒粒出。若扁種十不出一。蓋豆瓣重頂土不起故爛。

刀豆

【原】刀豆一名挾劍豆。拾遺記云。樂浪之東有融澤。有挾劍豆。其莢形似人挾劍。橫斜而生。卽此。人家多種之。蔓引一二丈。葉如豇豆葉而稍長。大五六月開紫花。結莢長者近尺。微似阜莢扁。而劍脊三稜。嫩青煮食。醬醃蜜煎皆佳。老則微黑。子大如拇指。頂淡紅色。同雞豬肉。煮食甚美。氣味甘平無毒。溫中下氣。利腸止飢逆。益腎補元。

【翻錄原】本草綱目【一人病後。飢逆不止。聲聞鄰家。或令取刀豆燒存性。白湯調服。二錢卽止。此亦取其下氣歸元而逆自止也。】【種植】將地鋤鬆深半尺。熟糞拌勻。清明時。先用布濕微水潤豆令脹。將見芽。鋤前土作穴。每穴一粒。側放入不可深。此豆體重。深則難出。上用鋸末拌土薄蓋一層。一云用草灰日日澆令濕。俟生蔓。竹木架起。

大靈豆

【鑑】貴耳錄【大靈豆。華山陳搏有靈豆。服一粒。四十九日不饑。筋力如故。顏色若嬰兒。世罕得服之者。

木豆

【鑑】交州記【木豆出徐僮間。子美似烏頭大。葉似柳。一年種。數年採。

靈光豆

【杜陽雜編】大曆中。日林國獻靈光豆。大小類中國之菘豆。其色紅。而光芒長數尺。本國人呼爲詰多珠。和石土。莖蒲葉煮之。卽大如鵝卵。其中純紫。稱之可重一斤已上。燠之香美無比。數日不復言饑渴。

佛豆

【益部方物略記】佛豆粒甚大而堅。農夫不甚種。唯圃中蒔以爲利。以鹽漬食之。小兒所嗜。

【集韻】贊【增】宋宋祁佛豆贊【豐粒茂苗。豆別一類。秋種春斂。農不常蒔。】

脂麻

【園脂麻】俗作芝。麻者非。一名油麻。一名胡麻。夢溪筆談云。胡麻直是今油麻。張騫始自大宛得油麻之種。故一名胡麻。以別中國之大麻也。本草云。油麻脂麻。謂其多脂油也。一名

巨勝。本草云。巨勝卽胡麻。之角。巨如方勝者。一名方莖。以莖名。一名狗蝨。以形名。一名藤弘。見廣雅。本草云。藤弘者。弘亦巨也。一名交麻。杜寶拾遺記云。

隋大業中。改爲交麻。陶弘景曰。胡麻八穀之中。惟此爲良。李時珍曰。脂麻有早晚二種。黑白赤三色。莖皆方。高者三四尺。葉光澤。有本團而未銳者。有本團而未分三丫如鴨掌形者。葛洪謂一葉兩尖爲巨勝。蓋不知烏麻

白麻。皆有二種葉也。秋開白花。似牽牛花而微小。亦有帶紫豔者。節節生枝。結角長者寸許。四稜六稜者

房小而子少。七稜八稜者。房大而子多。皆隨地肥瘠。蘇恭謂四稜爲胡麻。八稜爲巨勝。謂其房大勝諸麻

也。其枝四散者。角繁子多。一莖獨上者。角稀子少。取油以白者爲勝。可以烹煎。可以然點服食。以黑者爲

良。胡地者子肥大。其紋鵠。其色紫黑。取油亦多。尤妙其色黑。入腎能潤燥也。赤者狀如老茄子。錢乙治痘

瘡變黑歸腎。用赤脂麻煎湯送百祥丸。取其解毒耳。

【拾遺記】樂浪之東有背明之國。宜種百穀。有通明蔬食者。夜行不持燭。是苣勝也。食之延壽。後天而老。【神仙傳】魯女生長樂人。初餌胡麻及朮。絕穀八十餘年。日少壯。色如桃花。日能行三百里。走及驪鹿。【雞肋篇】胡麻俗呼芝麻。言其性有八拘。謂雨暘時薄收。大旱方大熟。開花向下。結子向上。炒焦壓榨。才得生油。藁車則滑。鑽鍼乃澀也。【本草】俗傳胡麻須夫婦同種。則茂盛。故本事詩云。胡麻好種無人種。合是歸時底不歸。【天台志】劉晨阮肇入天台採藥。失道食盡。見桃實食之。覺身輕。行數里至溪澗。持杯取水。見一杯流出。有胡麻飯。溪邊二女子笑曰。劉阮二郎捉向所失流杯來。便迎歸作食。既出無復相識。至家子孫已七世矣。

【賦】宋蘇軾服胡麻賦并序。始余嘗服伏苓。久之良有益也。夢道士謂余伏苓燥。當雜胡麻食之。夢中問道士何者爲胡麻。道士言脂麻是也。既而讀本草云。胡麻一名狗蝨。一名方莖。黑者爲巨勝。其油正可作食。則胡麻之爲脂麻信矣。又云。性與伏苓相宜。於是始異斯夢。方將以其說食之。而子由賦伏苓以示余。乃作服胡麻賦以答之。世間人聞服脂麻以致神仙。必大笑。求胡麻而不可得。則必求山苗野草之實以當之。此古所謂道在邇而求諸遠者歟。其詞曰。我夢羽人。頽而長兮。惠而告我。藥之良兮。喬松千尺。老不僵兮。流膏入土。龜蛇藏兮。得而食之。壽莫量兮。於此有草。衆所嘗兮。狀如狗蝨。其莖方兮。夜炊

晝曝久乃臧兮。伏苓爲君。此其相兮。我興發書。若合符兮。乃淪乃烝。甘且腴兮。補填骨髓。流髮膚兮。是身如雲。我何居兮。長生不死。道之餘兮。神藥如蓬。生爾廬兮。世人不信。空自劬兮。搜抉異物。出怪迂兮。槁死空山。固其所兮。至陽赫赫。發自坤兮。至陰肅肅。躋於乾兮。寂然反照。珠在淵兮。沃之不滅。又不燔兮。長虹流電。光燭天兮。嗟此區區。何與於其間兮。譬之膏油。火之所傳而已耶。【元戴表元胡麻賦】六月亢旱。百稼槁乾。有物沃然。秀於中田。是爲胡麻。外白中玄。嗜微心之良苦。徵日御而周旋。朝舒翹以東嚮。夕偃媚而西遷。若饑迎之有節。閱旦旦而不愆。有一儒者。睹而異之。曰是物其有識。可比義於戎葵。惟太陽之委照。疇一物之得遺。彼兀然以自遂。有得氣而不知。獨輸勤於畎畝。致展轉其遐暉。迹其華粲粲以淡成。榦亭亭而直致。陰回翔以蓋屬。膏湛渟而珠媚。疑本質之過清。常凝溫而抱粹。庸遇曠以不傷。表孤妍於衆悴。且其芘本近仁。嚮明近智。蹈約而不移。近信在困而能恭。近義故論胡麻者以爲君子之道四。宜乎以爾登良醫之篋。衍依飛仙之服餌也。

【詩散句】**原**唐王維御羹和石髓。香飯進胡麻。【**鹽**宋梅堯臣傍枝延扶疎。脩莢繁囊韜。胡麻養

氣血。種以督兒曹。【**原**明馮琦居然在玄圃。不必飯胡麻。【**鹽**唐曹唐白羊成隊難收拾。吃盡溪邊

巨勝花。【宋陸游胡麻刈罷下麴初。引水家家灌晚蔬。欲曬胡麻愁屢雨。

【**別錄**原】種植須肥地。荒地亦可。但多加糞。二三月爲上時。四月上旬爲中時。五月上旬爲下時。望前種

實多而成。望後種子少多。糝每畝二升。取沙土中拌和之。則入地勻。須多種。宜甲子壬申丙子壬午及六月三卯日。忌南風及辛亥寅未日。【收割】鋤三四徧。逾多逾妙。頻鋤草淨。簡熟者先穫。束欲小。大則難乾。五六束一攢。斜倚之。使風得入。候口開。以小杖微打。令子出。仍攢之。三日一打。四五徧乃淨。曬乾收藏。

【服食】抱朴子云。用上黨胡麻三斗。淘淨。甑蒸。令氣徧日乾。以水淘去沫。再蒸。如此九度。以湯脫去皮。簸淨。炒香爲末。白蜜棗膏丸。彈子大。每服溫酒化下一丸。日三。忌毒魚狗肉生菜。服至百日。除一切痼疾。

一年身面光澤不饑。二年白髮返黑。三年齒落更生。四年水火不能害。五年行及奔馬。若欲下之。飲葵菜汁。孫真人云。用胡麻三升。去黃褐者。蒸三十徧。微炒香爲末。入白蜜三升。杵三百下。丸桐子大。每旦服

五十九丸。人過四十以上。久服明目洞視。腸柔如筋。【取用】漬汁和麪。至韌滑。人身生肉丁者。擦之卽愈。

七月七日。采烏麻花最上頭者。陰乾爲末。烏麻油漬之。眉毛不生者。日塗之。卽生。又生禿髮。【稽】入米

倉內。米不蛀。燒灰入點痣及去惡肉。方中用。除夜撒之。房臥內外。云可避邪。又生脂麻。單條者名霸王鞭。

墜臥房前。亦云可祛鬼。葉湯浸良久。涎出稠黃色。婦人用梳頭沐髮去風。【家塾事親】油生笮者。良

有潤燥解毒止痛消腫之功。蒸炒者止可食用。及然點。不堪入藥。入藥以烏麻油爲上。白麻油次之。須自

笮者可用。市者恐僞。臘月油久放不壞。點燈照蠶。辟蟲。熬膏藥極效。搽婦人頭髮黑光。不臭。不生蟻虱。

麻餅。笮去油麻滓也。亦名麻糍。可食。荒歲人以救饑。入鹽作醬甚滑膩。又可養魚肥田。周禮堅強用蕒。亦

此義也。【圖】好事集以胡麻麩啖犬，則光黑而駿，使獵必大獲，又可得三十歲。【物類相感志】芝麻其燒煙熏紙被不作聲。

附錄 青蕒

【圖】青蕒一名夢神，一名胡麻，巨勝苗也。一作葉服食家作菜用，其法秋間取巨勝子種肥地畦中，如種菜法，苗出鋤令無草，乾卽灌水，采食滑美如葵。

附錄 亞麻

【圖】本草亞麻一名鷓麻，一名壁虱胡麻，蘇頌曰出兗州，威勝軍苗葉俱青，花白色，李時珍曰陝西人亦種之，其實亦可榨油，然燈氣惡不堪食。

廣羣芳譜卷第十一

桑麻譜

桑

園桑。東方自然神木之名。其字象形。蠶所食也。見徐鍇說文通釋皮裂榦疎。葉面深綠。光澤多刻缺。方書稱桑之

功最神。在人資用尤衆。其種類甚多。不可徧舉。世所名者荆與魯也。荆桑多椹。葉薄而尖。邊有瓣。凡枝榦

條葉堅勁者。皆荆類也。魯桑少椹。葉圓厚而多津。凡枝榦條葉豐腴者。皆魯類也。荆類根固而心實。能久

宜爲樹。魯類根不固。心虛不能久。宜爲地桑。荆葉不如魯之盛。當以魯接荆。則久而又茂。魯爲地桑。有壓

條法。傳轉無窮。是亦可以久遠者也。荆桑飼蠶。其絲堅韌。中紗羅用。魯桑宜飼大蠶。荆桑宜飼小蠶。見王禎農

桑通此外又有棧桑。爾雅云。女桑。棧桑。注云。今俗桑樹小而。壓桑。爾雅云。壓桑。山桑。注云。似桑材中。禹貢

厥篚壓絲是也。【本草】李時珍曰。桑有數種。有白桑。葉大如掌而厚。雞桑。葉花而薄。子桑。先椹而後

葉。山桑。葉尖而長。以子種者。不若壓條而分者。園桑生黃衣。謂之金桑。木將槁。蠶食必病。樹下每年耕

用糞。則葉肥嫩。構接則葉大。桑白皮利小水。肺中有水氣及肺火有餘者用之。葉多積。荒年可濟飢。亦可

喂豬羊馬。蠶事畢。令人採取曬乾。收貯備用。

【易否卦】繫于苞桑。【疏】苞本也。凡物繫於桑之苞本，則牢固也。又桑之爲物，其根衆也。衆則牢固之義。【書禹貢】桑土既蠶，是降丘宅土。【傳】大水去，民下丘居平土，就桑蠶。【集傳】桑土，宜桑之士。既蠶者，可以養蠶也。蠶性惡濕，故水退而後可蠶。然九州皆賴其利，而獨於堯言之者，堯地宜桑，後世之濮上桑間，猶可驗也。厥貢漆絲。【傳】地宜漆林，又宜桑蠶。厥篚檿絲。【傳】檿桑蠶絲。中琴瑟絃。【疏】檿絲是蠶食檿桑所得，絲韌，中琴瑟絃也。【書傳】成王之時，有三苗貫桑葉而生，同爲一穗，其大盈車，長幾充箱，民得而上諸成王。【詩鄘風】降觀于桑。【傳】地勢宜蠶，可以居民。靈雨旣零，命彼倂人，星言夙駕，稅于桑田。【集傳】言方春時，雨旣降，而農桑之務作，文公於是命主駕者晨起駕車，急往而勞勸之。【衛風】桑之未落，其葉沃若。【傳】桑女功之所起，沃若猶沃沃然。桑之落矣，其黃而隕。【魏風】彼汾一方，言采其桑。【箋】采桑親蠶事也。【唐風】肅肅鴉行，集于苞桑。【曹風】鴉鳩在桑，其子七兮。【豳風】女執懿筐，遵彼微行，爰求柔桑。【疏】柔桑，穉桑也。蠶始生，宜穉桑。蠶月條桑，取彼斧斨，以伐遠揚，猗彼女桑。【傳】遠，枝遠也。揚，條揚也。角而束之曰猗。女桑，柔桑也。【疏】條，其桑而采之，謂斬條於地，就地采之也。猗，束彼女桑而采之，謂柔穉之桑不枝落者，以繩猗束而采之也。【小雅】隰桑有阿，其葉有難。【傳】阿，然美貌，難，然盛貌，有以利人也。【疏】言隰中之桑，枝條甚阿然而長美，其葉則甚難然而茂盛，其下可以庇蔭人，往息者得其涼也。隰桑有阿，其葉有沃。【傳】沃，柔也。隰桑有阿，其葉有幽。

【傳】幽黑也。【疏】阿那是枝葉條垂之狀。故爲美貌。難爲葉之茂。沃言葉之柔。幽是葉之色。言桑葉茂盛而柔輒。則其色純黑。故三章各言其一也。樵彼桑薪。印烘于熯。【傳】印我也。烘燎也。熯。炷竈也。桑薪宜以養人者也。【疏】有人樵取於彼桑木之薪。不以炊爨。云我用之燎於熯竈。炤物而已。桑薪。薪之善者也。宜以炊爨而養人。今不以炊爨。反燎於熯竈。失其所也。【大雅】苑彼桑柔。其下侯甸。【傳】苑。茂貌。甸。言陰甸也。【箋】桑之柔濡。其葉苑然茂盛。謂蠶始生時也。人庇陰其下者。均得其所。【疏】苑然而茂者。彼桑也。其葉稚而柔濡。故苑然茂盛於此之時。人息其下。維均得陰。皆無暑熱之患。【禮記月令】季春之月。命野虞毋伐桑柘。【注】愛蠶食也。野虞謂主田及山林之官。鳴鳩拂其羽。戴勝降于桑。【注】蠶將生之候也。戴勝。織紵之鳥。是時恆在桑。具曲植籩筐。【注】時所以養蠶器也。曲。簿也。植。槌也。后妃齋戒。親東鄉躬桑。禁婦女毋觀。省婦使以勸蠶事。【注】后妃親採桑。示帥先天下也。東鄉者。鄉時氣也。是明其不常留養蠶也。留養者。所卜夫人與世婦。婦謂世婦及諸臣之妻也。內宰職曰。仲春詔后帥內外命婦。始蠶于北郊。女外內子女也。夏小正曰。妾子始蠶。執養宮事。毋觀。去容飾也。婦使縫線組紉之事。蠶事既登。分繭稱絲。效功以共郊廟之服。毋敢有惰。【注】登。成也。勅往蠶者。蠶畢。將課功以勸戒之。季夏之月。蠶事畢。后妃獻繭。乃收繭稅。以桑爲均。貴賤長幼如一。以給郊廟之服。【疏】后妃獻繭者。謂后妃受內命婦之獻繭。乃收繭稅者。謂既受內命婦獻繭。及收外命婦繭之賦稅。以桑爲均者。言收稅之時。以受桑多。

少爲賦之均齊。桑多則賦多，桑少則賦少。貴賤長幼如一者，貴謂公卿大夫之妻，賤謂士之妻，長幼謂婦老幼，無問貴賤長少，出之時齊同如一，皆以近郊之稅，十而稅一也。所稅之物，以供給天子郊廟之服。

【內則】射人以桑弧蓬矢六射，射天地四方。【疏】桑，衆木之本。【祭義】古者天子諸侯必有公桑蠶室，近

川而爲之，築宮，仞有三尺，棘牆而外閉之。及大昕之朝，君皮弁素積，卜三宮之夫人世婦之吉者，使入蠶于蠶室，奉種浴于川。桑于公桑，風戾以食之。【疏】公桑蠶室者，謂官家之桑，於處而築養蠶之室，近川而爲之者，取其浴蠶種使也。風戾以食之者，戾，乾也。凌早采桑，必帶露而濕，蠶性惡濕，故乾而食之。【左

傳】宣子田於首山，舍於翳桑。【注】翳桑，桑之多蔭翳者。【園】孟子五畝之宅，樹墻下以桑。【戰

國策】昔者堯見舜於草茅之中，席隴畝而蔭庇桑陰，桑陰移而受天下。【史記殷本紀】帝太戊立，伊

陟爲相，亳有祥桑穀，共生於朝。一暮大拱，帝太戊懼，問伊陟。伊陟曰：「臣聞妖不勝德，帝之政其有闕歟？帝

其修德，太戊從之，而祥桑枯死。【貨殖傳】齊魯千畝桑麻，與千戶侯等。【園】漢書文帝紀：「十三年春

二月甲寅，詔曰：「朕親率天下農耕，以供粢盛。」皇后親桑，以奉祭服，其具禮儀。【注】師古曰：「令立耕桑之禮

制也。【景帝紀】二年夏四月，詔曰：「朕親耕，后親桑，以奉宗廟粢盛祭服，爲天下先。」【園】漢書食貨志：「

還廬樹桑。【元后傳】太后幸蠶館，率皇后及列夫人桑。【後漢書禮儀志】皇后帥公卿諸侯夫人蠶，

祠先蠶，禮以少牢。【注】漢舊儀曰：「春桑生，而皇后親桑於苑中蠶室，養蠶千簿以上，祠以中牢羊豕，羣臣

妾從桑還。獻於繭觀。皆賜從桑者樂。【襄楷傳】楷上書曰。聞宮中立黃老浮屠之祠。浮屠不三宿桑下。不欲久生恩愛。精之至也。【注】言浮屠之人。寄桑下者。不經三宿。便即移去。示無愛戀之心也。【園】後漢書張堪傳。張堪拜漁陽太守。百姓歌之曰。桑無附枝。麥秀兩歧。張君爲政。樂不可支。【申屠蟠傳】蟠絕迹於梁碣之間。因樹爲屋。自同傭人。【注】謝承書曰。居蓬萊之室。依桑樹以爲棟也。【園】謝承後漢書。汝南伊昆爲陰縣功曹。令新到官。問曰。園中有桑。以食蠶何如。昆曰。非初至所當務。【園】蜀志先主傳。先主舍東南角籬下有桑樹。生高五丈餘。遙望童童如小車蓋。往來者皆怪其非凡。或謂當出貴人。先主少時。與宗中諸小兒戲於樹下。戲言。吾必當乘此葆羽車蓋。【園】蜀志諸葛亮傳。亮自表後主曰。成都有桑八百株。薄田十五頃。子弟衣食。自有餘饒。【龐統傳】潁川司馬徽。清雅有知人鑒。龐統弱冠往見徽。徽采桑於樹上。坐統在樹下共語。自晝至夜。徽甚異之。稱統當爲南州士人之冠冕。由是漸顯。【晉書禮志】武帝太康六年。使侍中成粲草定親蠶儀。先蠶壇高一丈。方二丈。爲四出陛。陛廣五尺。在皇后採桑壇東南帷宮外門之外。而東南去帷宮十丈。在蠶室西南。桑林在其東。取列侯妻六人爲蠶母。蠶將生。擇吉日。皇后著十二笄步搖。依漢魏故事。衣青衣。乘油畫雲母安車。駕六驄馬。女尚書著貂蟬佩璽。陪乘載筐鉤。公主三夫人九嬪世婦諸太妃太夫人。及縣鄉君郡公侯特進夫人外世婦命婦。皆步搖衣青。各載筐鉤從蠶。先桑二日。蠶宮生蠶。著薄上。桑日。皇后未到。太祝令實明以一太牢告祠。謁者一人

監祠祠畢徹饌。班餘胙於從桑及奉祠者。皇后至西郊升壇。公主以下陪列壇東。皇后東面躬桑。採三條。諸妃公主各採五條。縣鄉君以下各採九條。悉以桑條授蠶母還蠶室。【藝術傳】淳于智有思義。能易筮。善厭勝之術。上黨鮑瑗家多喪病貧苦。智爲卦成。謂瑗曰。君安宅失宜。故令君困。君舍東北有大桑樹。君徑至市。入門數十步。當有一人持荆馬鞭者。便就買以懸此樹。三年當暴得財。瑗承言詣市。果得馬鞭。懸之三年。後井得錢數十萬。銅鐵器復二十餘萬。於是致贍。疾者亦愈。【辰韓國傳】辰韓俗饒蠶桑。善作縑布。【馮跋載記】跋勵意農桑。勤心政事。下書曰。桑柘之益。有生之本。此土少桑。人未見其利。可令

百姓人植桑一百根。柘二十根。【宋書禮志】孝武立觀后親桑。循晉禮也。【南齊書祥瑞志】永

明二年。護軍府門外桑樹一株。並有蠶絲綿被枝莖。史臣按漢光武時。有野蠶成繭。百姓得以成衣服。今則浮波幕樹。其亦此之類乎。【南齊書孝義傳】韓係伯襄陽人也。襄陽土俗。鄰居種桑界上爲誌。係

伯以桑枝蔭妨他地。遷界上開數尺。鄰畔隨復侵之。係伯輒更改種。久之。鄰人慚愧。還所侵地。躬往謝之。

【魏書食貨志】諸初受田者。男夫一人。給田二十畝。課蒔餘種桑五十樹。棗五株。榆三根。非桑之土。

一夫給一畝。依法課蒔榆棗。奴各依良。限三年種畢。不畢。奪其不畢之地。於桑榆地分雜蒔餘果。及多種

桑榆者不禁。諸應還之田。不得種桑榆棗果。種者以違令論。【南史齊本紀】高帝舊宅在武進。宅南

有一桑樹。擢本三丈。橫出四枝。狀似華蓋。帝年數歲。好戲其下。從兄敬宗曰。此樹爲汝生也。【南史

羅研傳】研爲信安令。故事置觀農謁者。圍桑度田。勞擾百姓。研請除其弊。帝從之。【新羅國傳】新羅土地肥美。多桑麻。作縑布。【隋書禮儀志】後齊皇后親桑於桑壇。備法駕。服鞠衣。乘重翟。帥六宮升桑壇東陛。卽御座。女尙書執筐。女主衣執鉤。立壇下。皇后降自東陛。執筐者處右。執鉤者處左。蠶母在後。乃躬桑三條。訖。升壇卽御座。內命婦以次就桑。鞠衣五條。展衣七條。祿衣九條。以授蠶母。還蠶室。皇后采桑。則服鳩衣。皇后之車三。曰翟輅。以採桑。命婦采桑齋。及采桑還。則黃衣。【食貨志】河清三年。每丁給永業二十畝爲桑田。其中種桑五十根。榆三根。棗五根。不在還受之限。非此田者。悉入還受之分。【唐書憲宗本紀】元和七年四月。詔民田晦樹桑。【禮樂志】皇后歲祀一季。春吉巳。享先蠶。遂以親桑。【賈循傳】循母將葬。宅有枯桑。一夕再生。芝出北墉。人以爲瑞。【南蠻傳】永昌之西野。桑生石上。其材上屈。兩向而下植。取以爲弓。不筋漆而利。名曰暝弓。【宋史禮志】元祐八年。宰臣奏積雨傷蠶。上曰。朕宮中自蠶一簿。欲知農桑之候。久雨葉濕。豈不有損。乃命往天竺祈晴。【食貨志】太祖健隆時。詔所在長吏。諭民有能廣植桑棗。墾闢荒田者。止輸舊租。民伐桑棗爲薪者。罪之。熙寧元年。中書議勸民栽桑。帝曰。農桑衣食之本。民不敢自力者。正以州縣約以爲費。升其戶等耳。宜申條禁。於是司農寺請立法。先行之。開封。視可行。頒於天下。民種桑柘。毋得增賦。安肅廣信順安軍保州。令民卽其地植桑榆。或所宜木。因可限闔戎馬。官計其活茂多寡。得差減在戶租數。活不及數者。罰責之補種。【金史食貨志】世宗

大定十九年二月。上如春水。見民桑多爲牧畜嚙毀。詔親王公主及勢要家牧畜有犯民桑者。許所屬縣官立加懲斷。【山海經】宣山上有桑大五十尺。其枝四衢。葉大尺。赤理青華。名之曰帝女之桑。衡山

多桑。東北海外赤水。在圓丘南。有三桑木而無枝。皆高百仞。【穆天子傳】甲寅天子作居范宮以觀

桑者。乃飲於桑中。天子命桑虞出闕一字。桑者用禁暴民。【注】不得令割犯桑木。【尙書考靈曜】桑木者

箕星之精神。木蟲食葉爲文章。人食之。老翁爲小童。【春秋孔演圖】孔子母徵在游於大塚之陂。睡

夢黑帝使請往。交語曰。汝乳必於空桑。覺則若有所感。後生孔子於空桑之中。【韓非子】子產相鄭。開

畝樹桑。鄭人謗訾。【呂氏春秋】伊尹之母居伊水之上。孕夢有神告之曰。曰出水而東走無顧。明日

視日出水。其鄰東走十里。而顧其邑盡爲水。身因化爲空桑。有莘氏女子採桑。得嬰兒空桑之中。獻之於

君。君令乳之。命曰伊尹。【淮南子】蜋蠶一歲再收。非不利也。然而王法禁之者。爲其殘桑也。【括地

圖】化民食桑三十七年。化而自裹。九年生翼。十年而死。【神異經】東方有桑樹焉。高八十丈。敷張自

輔。其葉長一丈。廣六七尺。其上自有蠶作繭。長三尺。縲一繭。得絲一斤。【漢舊儀】皇后躬桑。始捋一

條。執筐受桑。捋三條。女尙書跪曰。可止。執筐者以桑授蠶。母以桑適金室。【列女傳】魯秋胡子納妻

五日。而官於陳。後歸未至家。見路傍有美婦。方採桑。秋胡悅之。下車願托桑陰下。婦人採桑不顧。胡曰。力

田不如逢年。採桑不如見郎。今吾有金。願與夫人。而婦人不受。胡乃歸。母呼其婦。乃卽採桑者也。數胡之

罪而自投於河。齊宿瘤女。東鄰採桑女也。項有大瘤。閔王遊至東都。百姓盡觀。宿瘤女採桑如故。王怪問之。對曰。受父母教採桑。不受教觀。王曰。此奇女。悅而聘迎之。陳辨女者。陳國採桑之女也。晉大夫解君甫使於宋。過陳遇之。止而戲之。曰。女爲吾歌。吾將舍女。女乃歌曰。墓門有棘。斧以斯之。夫也不良。國人知之。【崔豹古今注】邯鄲有美女。姓秦名羅敷。爲邑人王仁妻。仁後爲趙王家令。羅敷出採桑於陌。趙王登臺。見而悅之。因飲酒欲奪焉。羅敷善彈箏。作陌上桑之歌。以自明。【神仙傳】麻姑語王方平云。接待以來。已見東海三爲桑田。【搜神記】有人遠征。家有一女。馬一匹。女思父。乃戲馬曰。爾能爲我迎得父歸。吾將嫁汝。馬乃頓韁而去。迎得父來。後馬見女。輒怒。父乃殺馬。曝皮於庭。女之皮所。皮忽卷女而行。父後於大桑樹枝間。得女及皮。盡化爲蠶。績樹上。其繭厚大異常。鄰婦取養之。其收亦倍。今世謂蠶爲女兒。古之遺語也。【拾遺記】少昊以金德王。母曰皇娥。處璇宮而夜織。或乘桴木而晝遊。經歷窮桑滄茫之浦。時有神童。容色絕俗。稱爲白帝之子。卽太白之精。降乎水際。與皇娥讌戲。奏嬾媚之樂。游漾忘歸。窮桑者。西海之濱。有孤桑之樹。直上千尋。葉紅椹紫。萬歲一實。食之後天而老。帝子與皇娥並坐。撫桐峯梓瑟。皇娥倚瑟而清歌曰。天清地曠。浩浩茫茫。萬象迴薄。化無方。浩大蕩蕩。望滄滄。乘桴輕漾。著日傍。當其何所。至窮桑。心知和樂。悅未央。白帝子答歌曰。四維八埏。眇難極。驅光逐影。窮水域。璇宮夜靜。當軒織。桐峯文梓。千尋直。伐梓作器。成琴瑟。清歌流暢。樂難極。滄湄海浦。來栖息。及皇娥生少昊。號曰窮桑氏。亦

曰桑丘氏。至六國時。桑丘子著陰陽書。卽其餘裔也。【後燕錄】遼初。無桑。慕容廆通於晉。求種江南。

平川之桑。悉繇吳來。【述異記】空桑生大野山中。爲琴瑟之最者。空桑也。桓仲爲江州刺史。遣人

周行廬山。冀覩靈異。旣陟崇巘。有一湖。周生桑樹。有敗觚赤鱗魚。使者渴極。欲往飲水。赤鱗張鱗向之。使

者不敢飲。【稽神錄】廬州軍吏蔡彥卿爲拓臯鎮將。暑夜坐鎮門外納涼。忽見道南桑林中。有白衣婦

人獨舞。就視卽滅。明夜彥卿扶杖先往。伏草間。久之。婦人復出而舞。卽擊之。墜地乃白金一餅。復掘地獲

銀數千兩。遂致富裕云。【錄異記】李太尉德裕。一旦有老叟謁門。引五六輩。昇巨木請謁焉。闢者不能

拒之。公異而見之。叟曰。某家藏此桑寶三世矣。某已耄矣。感公之好奇。搜異。是以獻爾。木中有奇寶。若能

者斲之。必有所得。洛邑有匠。計其年齒且老。或身已歿。子孫亦當得其旨訣。非洛匠無能斲之者也。公如

其言。訪於洛下。匠已殂矣。其子應召而來。睨而視之。曰。此可徐而斲之矣。因解爲二琵琶槽。自然有白鴿

羽翼爪足。巨細畢備。匠料之微失。厚薄不中。一鴿少其翼。公以形羽全者進之。自留其一。今猶在民間。

【洛陽伽藍記】昭儀寺佛堂前。有桑樹一株。直上五尺。枝條橫遠。柯葉傍布。形如羽蓋。覆高五尺。又葉凡

爲五重。每重葉生椹各異。京師道俗。謂之神桑。【廣異記】南方赤帝女。學道得仙。居高陽嶧山桑樹上。

正月一日。銜柴作巢。至十五日成。赤帝誘之不得。以火焚之。女卽升天。因名帝女桑。【鄴郡名錄】杜勝

宅以輓漆纏桑枝。編爲籬障。雨一過。黑光照四面。時通甫愛之。欲以銅官第取不應。【常新錄】裴休得

桑木根。曰若作沉香想之更無異相。雖對沉水香。反作桑根想。終不聞香氣。諸相從心起。【通鑑外紀】
西陵氏之女嫫祖。爲黃帝元妃。始教民蠶桑。治絲繭。以供衣服。而天下無斂瘞之患。後世祀爲先蠶。
【兼明書】今三四月間。採桑之時。見有小鳥灰色。眼下正白。俗呼白鷓鳥。是也。以其採桑時來。故謂之桑
鴈。【俗呼小錄】湖州以桑葉二十斤爲一箇。【湧幢小品】湖州有章姓者。豫占桑價。占賤卽畜至百
餘斤。二十年無爽。白手厚獲。生計遂饒。鼓樂賽謝以爲常。一日賽畢。有一婦人矮而肥。求齋臥地下不去。
其家內外醉飽。厭之。叱使去。婦人曰。我與汝曾祖母有舊。連歲爲汝應卜。助生計。一齋何吝。匍匐入門。蹴
之。忽不見。且駭且疑。佛堂忽有聲。曾祖母牌已裂爲二。蓋祖母每好善。見裸蟲必致暖處護其生。俟生翼
飛去。乃已。矮婦之祥。或在於此。以後卜吉而畜。其價必相左。家道耗云。【燕山叢錄】漢昭烈宅在涿州
樓桑村。昭烈在民間所居。有桑層蔭如樓。因曰樓桑。今尙在。其下留題甚多。【五雜俎】涿州之涑水道
中。有大桑樹高十餘丈。蔭百畝。云卽昭烈舍前之桑也。自漢及今千五百年矣。而扶疎如故。且其樞視常
桑倍大。土人珍之。以相餽遺云。

【贊】晉郭璞帝女桑贊。爰有洪桑。生濱淪潭。厥圍五丈。枝相交參。園客是採。帝女所蠶。原
【元王禎躬桑贊】有星天駟。象匹神龍。惟蠶辰生。厥精冥通。孕卵而出。寓食桑中。惟君立后。毓德中宮。旣
正母儀。普師婦工。建茲繭館。桑必以躬。爰制祭祀。郊廟是供。

【賦】魏繁欽桑賦上似華蓋紫極比形。下象鳳闕萬桷一楹。叢枝互出。乃錯乃并。曄曄隆暑。涼風自生。微條纖繞。隨風浮沉。陽蜩鳴其南枝。寒蟬噪其北陰。秋氣忽其將來。威感節而悲吟。玩庇蔭之厚惠。情眷眷而愛深。【晉陸機桑賦并序】皇太子便坐。蓋本將軍直廬也。初世祖武帝爲中壘將軍。植桑一株。世更二代。年漸三紀。扶疎豐衍。抑有瑰異焉。賦曰。夫何佳樹之洪麗。超托居乎紫庭。羅萬根以下洞。矯千條而上征。豈民黎之能植。乃世武之所營。故其形瑰族類。體豔衆木。黃中爽理。滋榮煩縟。綠葉興而盈尺。崇條蔓而層尋。希太極以延峙。映承明而廣臨。革飛鵠之流響。想鳴鳥之遺音。惟歷數之有紀。恆依物以表德。豈神明之所相。將我皇之先識。誇百世而勿翦。超長年以永植。【傅咸桑樹賦并序】世祖昔爲中壘將軍。於直廬種桑一株。迄今三十餘年。甚茂盛不衰。皇太子入朝。以此廬爲便坐。賦曰。伊茲樹之僥倖。蒙生生之渥惠。降皇躬以斯植。遂弘茂於聖世。厥茂伊何。其大連尋。修柯遠揚。洪條梢椽。布繁枝之沃若。播密葉以垂陰。蔭華寓而作涼。清隆暑之難任。以厥樹之巨偉。登九日於朝陽。且積小以高大。生合抱於毫芒。猶帝道之將升。亦累德以彌光。湯躬禱於斯林。用獲雨而興商。惟皇晉之基命。爰於斯而發祥。從皇儲於斯館。物無改於平生。心惻切以興思。思有感於聖明。步徬徨以周覽。庶髣髴於儀刑。【潘尼桑樹賦】從明儲以省膳。憩便房以偃息。觀茲樹之特瑋。感先皇之攸植。蔚蕭森以四射。邈洪榮而端直。爾乃徘徊周覽。俯仰逍遙。俛睨靈根。上眺修條。洞芳泉於九壤。含溢露於清霄。倚增城之飛觀。拂綺窗之疏

之禎瑞。兆先見而啓茲。起尋抱於纖毫。崇萬簣於始基。
園【王禎親蠶賦】惟蠶有功。萬世歸美。廣物產之貨賁。作人生之衣被。仲春之月。天子詔后以躬桑。大昕之朝。內宰告期而命祀。於是詣靈壇。降寶殿。翠障夾乎道周。鳳輦翔於畿甸。順春氣於東方。朝先蠶於北面。具夫青縹之服。侑以芳馨之薦。當其疊承寵命。適對韶光。擇世婦於卜吉。受鞠衣於明堂。崇開禁館。始入公桑。援條有三。聽女尙書之勸止。執筐不再。受宮夫人之是將。體之以坤儀之柔順。視之以母道之慈良。破蟻以來。庶養至於千簿。獻繭之後。諒化被於多方。

【五言古詩】園【漢樂府陌上桑】日出東南隅。照我秦氏樓。秦氏有好女。自名爲羅敷。羅敷善採桑。採桑城南隅。青絲爲籠系。桂枝爲籠鉤。頭上倭墮髻。耳中明月珠。綳綺爲下裙。紫綺爲上襦。行者見羅敷。下擔擗髭鬚。少年見羅敷。脫帽著幘頭。耕者忘其犁。鋤者忘其鋤。來歸相怒怨。但坐觀羅敷。使君從南來。五馬立踟躕。使君遣吏往。問是誰家姝。秦氏有好女。自名爲羅敷。羅敷年幾何。二十尙不足。十五頗有餘。使君謝羅敷。寧可共載不。羅敷前致辭。使君一何愚。使君自有婦。羅敷自有夫。東方千餘騎。夫婿居上頭。何用識夫婿。白馬從驪駒。青絲繫馬尾。黃金絡馬頭。腰中鹿盧劍。可直千萬餘。十五府小史。二十朝大夫。三十侍中郎。四十專城居。爲人潔白皙。鬢髮頗有鬚。盈盈公府步。冉冉府中趨。坐中數千人。皆言夫婿殊。

【晉樂府採桑度】蠶生春三月。春桑正含綠。女兒採春桑。歌吹當春曲。繫條採春桑。採葉何紛紛。採桑不裝鉤。牽壞紫羅裙。採桑盛陽月。綠葉何翩翩。攀條上樹表。牽壞紫羅襪。【陶潛擬古】種桑長江邊。三年望當採。枝條始欲茂。忽值山河改。柯葉自摧折。根枝浮滄海。春蠶既無食。寒衣欲誰待。本不植高原。今日復何悔。【陶潛歸田園居】野外罕人事。窮巷寡輪鞅。白日掩荆扉。虛室絕塵想。時復墟曲中。披草共來往。相見無雜言。但道桑麻長。桑麻日已長。吾土日已廣。常恐霜霰至。零落同草莽。【宋謝靈運種桑】詩人陳條柯。亦有美攘剔。前修爲誰故。後事資紡績。常佩知方誠。愧微富教益。浮陽驚嘉月。藝桑迫閒隙。疎欄發近郭。長行達廣域。壙流始岵泉。洒塗猶跬跡。俾此將長成。慰我海外役。【梁吳均採桑】賤妾思不堪。採桑渭城南。帶減連枝繡。髮亂鳳凰簪。花舞依長薄。蛾飛愛綠潭。無由報君信。流涕向春蠶。【陌上桑】嫋嫋陌上桑。蔭陌復垂塘。長條映白日。細葉隱鸞黃。蠶飢妾復思。拭淚且提筐。故人寧知此。離恨煎人腸。【劉邈萬山見採桑人】倡妾不勝愁。結束下青樓。逐伴西城路。相攜陌頭。葉盡時移樹。枝高乍易鉤。絲繩挂且脫。金籠寫復收。蠶飢日已暝。詎爲使君留。【王臺卿陌上桑】令月開和景。處處動春心。挂筐須葉滿。息倦重枝陰。【沈君攸採桑】南陌落花移。蠶妾畏桑萎。逐便牽低葉。爭多避小枝。摘駛籠行滿。攀高腕易疲。看金怯舉意。求心自可知。【北周王褒陌上桑】人傳陌上桑。未曉已含光。重重相蔭映。軟弱自芬芳。秋胡未住馬。羅敷未滿筐。春蠶朝已老。安得久徬徨。【陳傅縡採桑】羅敷

試採桑。出入城南傍。綺裙映珠珥。絲繩提玉筐。度身攀葉聚。聳腕及枝長。空勞使君問。自有侍中郎。

【賀徹採桑】蠶妾出房櫺。結伴類花叢。度水春衫綠。映日晚妝紅。鉶聲時動樹。衣香自入風。鉤長嫩枝曲。葉盡細條空。競採須盈手。爭歸欲滿籠。自憐公府步。誰與少年同。

【唐劉希夷採桑】楊柳送人行。青青西入秦。誰家採桑女。樓上不勝春。盈盈灞水曲。步步春芳綠。紅臉耀明珠。絳脣含白玉。回首渭橋東。遙憐春色同。青絲嬌落日。綉綺弄春風。攜籠長嘆息。逶迤戀春色。看花若有情。倚樹疑無力。薄暮思悠悠。使君南陌頭。相逢不相識。歸去夢青樓。

【李白陌上桑】美女渭橋東。春還事蠶作。五馬如飛龍。青絲結金絡。不知誰家子。調笑來相謔。妾本秦羅敷。玉顏豔名都。綠條映素手。採桑向城隅。使君且不顧。況復論秋胡。寒蟬愛碧草。鳴鳳栖青梧。託心自有處。但怪旁人愚。徒令白日暮。高駕空踟蹰。

【子夜吳歌】秦地羅敷女。採桑綠水邊。素手綠條上。紅妝白日鮮。蠶飢妾欲去。五馬莫留連。

【常建陌上桑】翳翳陌上桑。南枝交北堂。美人金梯出。素手自提筐。非但畏蠶飢。盈盈嬌路傍。

【李彥遠採桑】採桑畏日高。不待春眠足。攀條有餘愁。那矜貌如玉。千金豈不贈。五馬空躑躅。何以變貞性。幽篁雪中綠。

【王建採桑】鳥鳴桑葉間。綠條復柔柔。攀看去手近。散作長長鉤。黃花蓋野田。白馬少年遊。所念豈迴顧。良人在高樓。

【劉駕桑婦】牆下桑葉盡。春蠶半未老。城南路迢迢。今日起更早。四鄰無去伴。醉臥青樓曉。妾顏不如誰。所貴守婦道。一春常在樹。自覺身如鳥。歸來見小姑。新妝弄百草。

【于濇田翁歎桑】手植千樹桑。文杏

作中梁。頻年徭役重。盡屬富家郎。富家田業廣。用此買金章。昨日門前過。軒車滿垂楊。歸來說向家。兒孫竟咨嗟。不見千樹桑。一浦芙蓉花。【元趙孟頫題織圖】【正月】正月新獻歲。最先理農器。女工並時興。蠶室臨期治。初陽力未勝。早春尙寒氣。窗戶當奧密。勿使風雨至。田疇耕耨動。敢不修耒耜。經冬牛力弱。相戒勤餵飼。萬事非預備。倉卒恐不易。田家亦良苦。舍此復何計。【二月】仲春凍初解。陽氣方滿盈。旭日照原野。萬物皆欣榮。是時可種桑。插地易抽萌。列樹徧阡陌。東西各縱橫。豈惟籬落間。採葉憚遠行。大哉皇元化。四海無交兵。種桑日已廣。彌望綠雲平。匪惟錦綺謀。祇以厚民生。【三月】三月蠶始生。纖細如牛毛。婉孌閨中女。素手握金刀。切葉以飼之。擁紙散周遭。庭樹鳴黃鳥。發聲和且嬌。蠶飢當採桑。何暇事遊遨。田時人力少。丈夫方種苗。相將挽長條。盈筐不終朝。數口望無寒。敢辭終歲勞。【四月】四月夏氣清。蠶大已屬眠。高首何昂昂。蛾眉復娟娟。不憂桑葉少。徧野如綠煙。相呼攜筐去。迢遞立遠阡。梯空伐條枚。葉上露未乾。蠶飢當早歸。秉心靜以專。飭躬修婦事。僂勉當盛年。救忙多女伴。笑語方喧然。【五月】五月夏以半。谷鷲先弄晨。老蠶成雪繭。吐絲亂紛紜。伐葦作簿曲。束縛齊榛榛。黃者黃如金。白者白如銀。爛然滿筐筥。愛此顏色新。欣欣舉家喜。稍慰經時勤。有客過相問。笑聲聞四鄰。論功何所歸。再拜謝蠶神。【六月】釜下燒桑柴。取繭投釜中。織織女兒手。抽絲疾如風。田家五六月。綠樹陰相蒙。但聞繰車響。遠接村西東。旬日可經絹。弗憂杼柚空。婦人能蠶桑。家道當不窮。更望時雨足。二麥亦稍豐。醑酒田家

何心娛耳目。往來忘僮僕。織爲機中素。老幼要紉補。青燈照夜梭。蟋蟀窗外語。辛勤亦何有。身體衣幾縷。嫁爲田家婦。終歲服勞苦。【八月】池水何洋洋。漚麻水中央。數日庶可取。引過兩手長。織絹能幾時。織布已復忙。依依小兒女。歲晚歎無裳。布襦不掩脛。念之熱中腸。朝緝滿一籃。莫緝滿一筐。行看機中布。計日漸可量。我衣苟已成。不憂天早霜。【九月】季秋霜露降。凜凜寒氣生。是月當授衣。有布織未成。天寒催刀尺。機杼可無營。教女學紡繅。舉足疾且輕。舍南與舍北。嘒嘒聞車聲。通都富豪家。華屋貯娉婷。被服雜羅綺。五色相間明。聽說貧家女。惻然當動情。【十月】豐年禾黍登。農心稍逸樂。小兒漸長大。終歲荷鋤耒。目不識一字。每念心作惡。東鄰方迎師。收拾令上學。後月日南至。相賀因舊俗。爲女裁新衣。修短巧量度。龜手事塞向。庶禦北風虐。人生真可歎。至老長力作。【十一月】冬至陽來復。草木潛滋萌。君子重其然。吾道自此亨。父母坐堂上。子孫列前榮。再拜稱上壽。所願百福并。人生屬明時。四海方太平。民無札瘥者。厚澤敷羣情。衣食苟給足。禮義自此生。願言興學校。庶幾教化成。【十二月】忽忽歲將盡。人事可稍休。寒風吹桑林。日夕聲颼颼。墻南地不凍。墾掘爲坑溝。斫桑埋其中。明年芽早抽。是月浴蠶種。自古相傳流。蠶出易脫殼。絲纈亦倍收。及時不努力。知有來歲不。手凍不足惜。冀免號寒憂。【明李東陽采桑玉堂陰二首答篁墩學士】采桑玉堂陰。分蠶長安郭。一勞累百枚。再分連數箔。寧知富貴地。此物能沃

若平生猷畝憂。黽勉懷力作。嗟彼衣錦兒。空言養蠶樂。吳機詠濯濯。周葉歌莫莫。遺我通家人。同心故相託。愛之敢輕棄。弱女方就學。采桑玉堂陰。陰濃樹婆娑。一采不滿筐。竟日能幾何。乃知富貴地。不及窮山阿。蠶成忽滿眼。所得良亦多。人言繫家運。或者陰陽和。向非夙夜勤。豈恃葉與柯。衣多必思寒。吾民本同科。欲將分蠶意。廣被無偏頗。

【七言古詩】陳徐伯陽賦得日出東南隅行。朱城璧日啓朱扉。青樓含照本暉暉。遠映陌上春桑葉。斜入秦家細綺衣。羅敷妝粉能佳麗。鏡前新梳倭墮髻。圓籠裊裊挂青絲。鐵鉤冉冉勝丹桂。蠶飢日晚暫生愁。忽逢使君南陌頭。五馬停珂遣借問。雙臉含嬌特好羞。妾墜府中輕小史。卽今來往專城裏。欲識東方千騎歸。藹藹日暮紅塵起。【宋鄭震採桑曲】晴採桑雨採桑。田頭陌上家家忙。去年養蠶十分熟。蠶姑只著麻衣裳。

【五言律詩】宋梅堯臣傷桑。柔條初變綠。春野忽飛霜。田婦搔蓬首。冰蠶絕繭腸。名輩依麥碓。戴勝繞枝翔。不見羅敷騎。金鉤自挂牆。

【五言絕句】唐鄭谷採桑。向曉攜籠去。桑村路隔淮。何如鬪百草。賭取鳳凰釵。【劉駕秦娥】秦娥十四五。面白于指爪。羞人夜採桑。驚起戴勝鳥。【王周採桑女二首】渡水採桑歸。蠶老催上機。扎扎得盈尺。輕素何人衣。採桑知蠶飢。投梭惜衣遲。誰誇羅綺叢。新畫學月眉。【宋王安石採桑】溪橋接桑

畦鉤籠曉羣過。今蚤去何蚤。向晚蠶恐臥。【明楊基陌上桑】青青陌上桑。葉葉帶春雨。已有催絲人。咄咄桑下語。

【六言絕句】御製桑林乍綠。蠶事方興。詩以嘉之。彌望桑林吐葉。垂枝嫩碧初勻。竹舍正殷蠶務。天工雨露維均。

【七言絕句】御製岸側桑葉初碧。夾岸青青遶御舟。濃桑初茁滿村謳。省方徧問蠶家苦。春雨連絲盡日憂。【題織圖】浴蠶。幽風曾著授衣篇。蠶事初興穀雨天。更考公桑傳禮制。先宜浴種向晴川。

【二眠】柔桑初翦綠參差。陌上歸來日正遲。村舍家家簾幕靜。春蠶新長再眠時。【三眠】紅女勤劬日。載陽鳴鳩拂羽恰條桑。只因三臥蠶將老。翦燭頻看夜未央。【大起】春深處處掩茆堂。滿架吳蠶婦子忙。料得今年收繭倍。冰絲雪縷可盈筐。【捉績】連宵食葉正紛紛。風雨聲喧隔戶聞。喜見新蠶瑩似玉。

燈前檢點最辛勤。【分箔】愛逢晴日映疎簾。新綠如雲葉漸添。天氣晴和蠶事廣。移筐分箔徧茅簷。

【採桑】桑田雨足葉蕃滋。恰是春蠶大起時。負筐攜筐紛笑語。戴鶯飛上最高枝。【上簇】頻執織筐不厭疲。久忘膏沐與調饑。今朝士女歡顏色。看我冰蠶作繭時。【炙箔】蠶性由來苦畏寒。深垂簾幕夜將闌。鑪頭更爇松明火。老嫗殷勤日探看。【下簇】自昔蠶纒重婦功。曾聞獻繭在深宮。披圖喜見纍纍滿。

茆屋清光積雪同。【擇繭】冰繭方堪作素紬。重綿亦藉禦深寒。就中自有因材法。揀取筐間次第觀。

【窖繭】一年蠶事已成功。歷數從前屬女紅。聞說及時還窖繭。荷鋤又向綠陰中。【練絲】炊煙處處繞柴籬。翠釜香生煮繭時。無限經綸從此出。盆頭喜色動雙眉。【蠶蛾】蛾兒布子如金粟。水際分飛任所之。莫令繭絲遺利盡。來年留作授衣資。【祀謝】勞勞拜簇祭神桑。喜得絲成願已償。自是西陵功德盛。萬年衣被澤無疆。【緯】綠陰揜映野人家。每到蠶時靜不譁。一自夏初成繭後。籬邊新聽響纒車。【織】從來蠶績女功多。當念勤勞惜綺羅。織婦絲絲經手作。夜寒猶自未停梭。【絡緯】無衣卒歲早關情。寒氣催人蟋蟀聲。茅屋疎籬秋夜永。短檠相對絡絲成。【經】織紵精勤有季蘭。牽絲分理製羅紈。鳴機來往桑陰裏。已作吳綃匹練看。【染色】凝膏比潔絡新絲。傳得仙方色陸離。一代文明資賁飾。須教五采備彰施。【攀花】巧樣爭傳濯錦紋。堪憐織女最殷勤。雲章霞綵娛人意。自著尋常縞布裙。【翦帛】手把齊紈冰雪清。秋衣欲製重含情。逡巡莫漫施刀尺。萬縷千絲織得成。【成衣】已成束帛又縫紉。始得衣裳可庇身。自昔宮庭多澣濯。總憐蠶織重勞人。【蠶】唐來鵬蠶婦。曉夕採桑多苦辛。好花時節不閑身。若教解愛繁華事。凍殺黃金屋裏人。【汪遵採桑婦】爲報躊躇陌上郎。蠶飢日晚妾心忙。本來若愛黃金好。不肯攜籠更採桑。【宋楊修蠶室】摘繭抽絲女在機。茅檐葦箔舊堂扉。年年桑柘如雲綠。翻織誰家錦地衣。【陸游示客】桑柘成陰百草香。纒車聲裏午風涼。客來莫說人間事。且共山林夏日長。【范成大科桑】斧斤留得萬枯株。獨速槎牙立暝途。飽盡春蠶收罷繭。更殫餘力付樵蘇。【楊

萬里桑疇。夾岸瀕河種穉桑。春風吹出萬條長。船行老眼渾多忘。喚作西湖插拒霜。【方岳農謠】
雨過一村桑柘煙。林梢日暮鳥聲妍。青裙老姥遙相語。今歲春寒蠶未眠。【金劉瞻春郊】
桑芽粒粒破春青。小葉迎風未展成。寒食歸寧紅袖女。外家紙上看蠶生。【明陳繼儒】
女桑新綠映宮槐。三月春風戴勝來。織就鴛鴦錦千疋。金刀先取合歡裁。【沈天孫採桑曲】
青溪女兒愛羅裙。提筐陌上蹋春雲。蠶飢日暮思歸去。不敢回頭看使君。

【詩散句】
【魏曹植】美女妖且閒。采桑岐路間。柔條紛冉冉。落葉何翩翩。出自薊北門。遙望湖池桑。枝枝自相值。葉葉自相當。【宋鮑照】
季春梅始落。女工事蠶作。采桑淇洧間。還戲上宮閣。【梁簡文帝】
寄語採桑伴。訝今春日短。枝高攀不及。葉細籠難滿。【江淹】
但願桑麻成。蠶月得紡績。【唐儲光義】
碓喧春澗滿。梯倚綠桑斜。【李白】
吳地桑葉綠。吳蠶已三眠。燕草如碧絲。秦桑低綠枝。及此桑葉綠。春蠶起中閨。【杜甫】
桑柘葉如雨。飛蕈共徘徊。【聶夷中】
勸爾毋伐桑。減爾身上服。【宋梅堯臣】
二月起蠶事。伐桑又阻饑。【王安石】
澗谷芳菲少。春風著野桑。【唐杜牧】
深處會容高尙者。水苗三頃百株桑。【韓偓】
萬里清江萬里天。一村桑柘一村煙。【宋唐庚】
魚陂舊種千頭鱸。桑徑新窠十畝繒。【張舜民】
洲中未種千頭橘。宅畔先栽百本桑。【唐王維】
蠶眠桑葉稀。【李白】
日出明桑枝。桑柘綠如雲。【岑參】
桑葉隱村戶。【張謂】
夏雨桑條綠。【孟郊】
野桑無直柯。

【張籍】桑柘羅平蕪。【溫庭筠】沃田桑葉晚。【李嘉祐】清明桑葉小。【于濬】青春滿桑柘。【宋蘇軾】萬樹桑柘美。【唐庚】蠶罷野無桑。【金史蕭】平林半是桑。【唐上官儀】葉密鶯啼帝女桑。【杜甫】舍西柔桑葉可拈。【李頻】桑林蠶後盡空條。【朱慶餘】桑柘成村百畝間。【曹唐】桑葉扶疎閉日華。【宋司馬光】滿川濃綠土宜桑。【王安石】柔桑採盡綠陰稀。【陸游】桑眼綻來蠶事興。霜清南陌課蠶桑。蠶飢衝雨采青桑。【金秦略】柔青初散壠頭桑。【元好問】童童翠蓋桑初合。【明楊基】黃梅雨晴桑重綠。

【詞】**【原】**明王世貞浣溪沙】一夜春波釀作藍。曉桑柔葉綠鬢鬢。丫鬢十五太嬌憨。織作雙魚成比目。偷將百草鬪宜男。更無心緒餵春蠶。【宋賀鑄憶秦娥】著春衫。玉鞭鞭馬南城。南城南。柔桑嫩草。留住金銜。粉娥采葉供新蠶。蠶飢略許攜纖纖。攜纖纖。湔裙淇上。更待初三。【錦纏道】雨過園林。觸處落紅凝綠。正桑葉齊如沃。嬌羞只恐人偷看。背立牆陰。慢展纖纖玉。聽啼鳩幾聲。耳邊相促。念蠶飢四眠初熟。勸路傍立馬莫踟躕。是那裏唱道秋胡曲。

【種樹書】畜蠶者常以三月三日雨。卜桑葉之貴賤。諺云。雨打石頭徧。桑葉三錢片。或曰四日尤甚。杭州人云。三日尚可。四日殺我。言四日雨尤貴。午日不得鋤桑園。桑濕不可飼蠶。雨中採至。必拭令乾。恐有傷也。【湧幢小品】湖州畜蠶者。多自栽桑。否則預租別姓之桑。俗曰秒桑。凡蠶一斤。用葉百

六十斤。諺云：仙人難斷葉價，故栽與秒爲最隱。否則謂之看空頭蠶，有天幸者，往往趣之。圓桑葉炙熟可代茶。嫩桑枝炒香煎飲，久服不患偏風。【種植】便民纂要：取黑椹中段子收貯，勿令沍濕，將種時先以柴灰淹揉，次日淘淨，取沉水者曬，令纒去水氣，種乃易生。宜肥地，有草鋤淨，冬月燒去苗，至春去冗苗，留旺者，俟至指大移栽，五步一株，大約種子不如壓條。初芽時，擇指大枝條，旺相肥澤者，就馬蹶處劈下，潤土內開溝，尺許埋實，自然生根布葉。壓後遇旱，於傍開溝灌之，但取水氣到，忌多著水。農桑要旨云：平原淤壤，土地肥虛，荆桑魯桑俱可種。若山地土脈赤硬，止宜荆。士民必用云：種藝在審時，又合地宜，使不失其中。春分前十日爲上時，當發生也。十月小春，木氣長生也，亦可壓桑。有三宜：時宜和，包宜固，壅宜厚。大抵天氣晴明，已午時借其陽和，如栽子已出，忽變天氣，卽以熱湯調泥培之。暑月必待晚涼，仍預於園中稀種麻麥爲蔭。惟十一月不生，農桑撮要云：十二月內掘坑深闊約二小尺，却於坑畔取土糞和成泥漿，桑根埋定，糞土培壅與地平。次日築實，切不可動搖，其桑加倍榮旺，勝如春栽。又法將桑根浸糞水一宿，掘坑栽之，栽宜淺，種以芽稀者爲上。諺云：臘月栽桑桑不知。【沔勝之書】種桑法：每畝以黍椹子各三升合種之，黍桑當俱生，鋤之，桑令稀疎調適，黍熟穫之，桑生正與黍高平，因以利鎌摩地刈之，曝令燥，後有風調放火燒之，常逆風起火，桑至春生一畝食三箔蠶。【齊民要術】桑柘熟時收黑魯椹，卽日以水淘，取子曬燥，仍畦種常薈令淨，明年正月移而栽之，率五尺一根，其下常掘種小荳綠荳。

栽後二年。慎勿採沐。大如臂許。正月中移之。率十步一樹。行欲小犄角。不用正相當。須取栽者。正月二月中。以鉤弋壓下枝。令著地。條葉生高數寸。仍以燥土壅之。明年正月中。截取而種之。【種樹書】穀樹上接桑。其葉肥大。桑上接梨。脆美而甘。撒子種桑。不若壓條而分根莖。澗間植桑。斬其葉而植之。謂之稼桑。却以螺殼覆其頂。恐梅雨侵損其皮故也。二年即盛。【農政全書】玄扈先生曰。接桑莫如當年條爲妙。三年之說不然也。且接時必待月暗。自下弦至上弦皆可。晦尤妙。自上弦至下弦皆忌。望尤險。取莖與雞鴨食之糞中。淘出種者。更不生莖。本新書曰。地桑本出魯桑。須以魯桑萌條。如法栽培。揀肥旺者。約留四五條。鋤治添糞。條有定數。葉不繁多。衆葉脂膏。聚於一葉。其葉自大。卽是地桑。王禎曰。齊民要術。栽取椹之黑者。翦去兩頭。惟取中間一截。蓋兩頭者。其子差細。種則成雞桑花桑。中間一截。其子堅栗。則枝幹堅強。而葉肥厚。將種之時。先以柴灰淹揉。次日水淘去輕糞不實者。曬令水脈才乾。種乃易生。【土農必用】地桑之功。惟在治之如法。不致荒燥。桑者易生之物。除十一月不生活。餘月皆可。仍須於園內稀種。或麻黍爲蔭。斫樹法。自移栽時。便割去梢。既不留中心。其條自向外長。科條法有四等。一。瀝水條。向下垂者。一。刺身條。向裏生者。一。駢指條。相併生者。一。冗腔條。雖順生。却稠冗。臘月爲上。正月次之。【博聞錄】白桑少子。壓枝種之。若有子。可便種。須用地陰處。其葉厚大。得蔭重實。絲每倍常。【採桑】高者用梯摘。庶不傷枝。遠出強枝。當用闊刃鋒利扁斧。轉腕回刃。向上斫之。枝查既順。津脈不出。葉必復茂。諺曰。斧頭自有

一倍葉。此善用斧之效也。柔桑高枝不勝梯。須置桑几如高橈。下列二柁作登級。斯易摘葉。又不傷樹。
【培桑】凡耕桑田。不用近樹。犁不著處。劓土令起。斫去浮根。以蠶矢糞之。根下埋龜甲。則茂盛而不蛀。生
黃衣。亦以此治之。【修桑】削其小枝。則葉茂。去其枯枝。則不荒。蠶事畢。將枝髡去。但髡時不可留嘴角。
及夏至開掘。根下用糞。或蠶沙培壅。則生意鬱積。來年嫩枝之葉。更覺茂盛。且皮可製紙。枝可當柴。兼有
餘利。

附錄 桑椹

【說文】甚。桑實也。【本草】桑子曰椹。椹與甚通。集韻。李時珍曰。椹有烏白二種。

【詩衛風】吁嗟鳩兮。無食桑甚。【傳】鳩。鶻鳩也。食桑甚過。則醉而傷其性。【魯頌】翩彼飛鴉。集

于泮林。食我桑黹。懷我好音。【傳】黹。桑實也。【爾雅】桑辦有甚。椹。【注】辦。半也。【疏】桑樹一半有甚。半

無甚。爲椹。【晉書張天錫傳】會稽王道子問西土所出。天錫應聲曰。桑椹甘香。鷓鴣革響。乳酪養性。人

無妒心。【隋書循吏傳】趙軌少好學。有行檢。東鄰有桑甚落其家。軌遣人悉拾還其主。誠其諸子曰。吾

非以此求名。意者非機杼之物。不願侵人。汝等宜以爲誠。【北史崔暹傳】道武攻中山未尅。六軍乏糧。

問計於暹。暹曰。飛鴉食甚而改音。詩稱其事。可取以助糧。帝乃聽人。以甚當租。【神異經】東方有桑焉。

椹長三尺五寸。圍如長。【東觀漢記】蔡君仲汝南人。至孝。王莽亂。人相食。君仲取桑椹。赤黑異器。賊問

仲。仲答曰。黑者供母。赤者自食。賊異之。遺鹽二斗。【漢武帝內傳】神仙上藥有扶桑丹榘。【魏略】楊沛爲新鄭長。興平末。人多飢窮。沛課民益畜乾榘。收豎豆。閱其有餘。以補不足。如此積得千餘斛。藏在小倉。會太祖爲兗州刺史。西迎天子。所將千餘人。皆無糧。過新鄭。沛謁見。乃皆進乾榘。太祖甚喜。後賜生口十人絹百疋。以報乾榘也。【魏書】袁紹之在河北。軍人仰給桑榘。【神仙傳】班孟者。不知何許人。或云女子也。人家有桑果數千株。皆聚之。成積如山。如此十餘日。吹之各還本處。【異苑】北方有白桑。榘長數寸。食之甘美。漢興平元年九月。桑再榘。時劉玄德軍小沛。年荒穀貴。士衆皆飢。仰以爲糧。晉武帝大元中。太原王戎爲鬱林太守。泊船新亭。眠夢有人以七枚榘子與之。著衣襟中。既寤。得榘如夢中。【發蒙記】鳩以桑榘爲酒。謂飲之卽醉也。【拾遺記】員嶠山有木。名猗桑。煎榘以爲蜜。【原】金樓子始皇聞鬼谷先生言。故遣徐福入海求金菜玉蔬。并一寸榘。

【表】唐李嶠爲鳳閣侍郎。李元素進冬榘表。臣某言。聞京兆萬年縣大寧坊有桑一株。暮秋生子。初冬榘熟。今謹取得。專輒進奉。伏惟陛下。惠覃區寓。仁泊草木。故得神蠶之樹。發秀於寒露之辰。帝女之林。結實於繁霜之下。出於萬年之界。彰一人萬歲之符。生自大寧之坊。表羣生大安之慶。鷓鴣已革。見蠻貊之懷音。絲繭行豐。知府藏之逾實。殊禎游委。絕艷仍臻。凡在含生。孰不欣慶。無任忭躍之至。【賦】晉傅玄桑榘賦。繁實離離。含甘吐液。翠朱三變。或玄或白。嘉味殊滋。食之無數。

正纍纍。

【詩散句】**唐羅隱**紫飽垂新椹。【宋司馬光】桑蔭青青紫椹垂。【張耒】桑間椹熟麥齊腰。

【陸游】鬱鬱林間桑椹紫。桑林紫甚纍纍熟。桑間椹紫蠶齊老。

【別錄】**本草衍義**本經言桑甚詳。然獨遺烏椹。桑之精英。盡在於此。采摘微研。以布濾汁。石器熬成稀膏。入蜜熬稠。貯瓷器中。滾湯點服。消熱止渴。其性微涼。故也。仙方日乾爲末。蜜和爲丸。酒服亦良。【本草綱目】楊氏產乳云。孩子不得與桑椹食。令兒心寒。四時月令云。四月宜飲桑椹酒。能理百種風熱。其法用椹汁三斗重。湯煮至一斗半。入白蜜二合。酥油一兩。生薑一合。煮令得所。瓶收。每服一合。和酒飲之。亦可以汁熬燒酒。藏之經年。味力愈佳。史言魏武帝年乏食。得乾椹以濟飢。金末大荒。民皆食椹。獲活者不可勝計。則椹之乾濕。皆可救荒。平時不可不收採也。【原】**收椹**【農桑撮要】子熟時摘取。以水淘過。略曬乾。便掘深坑種之。或畦種之便生。即時多收椹子。以待來春種。尤佳。收貯勿近濕壁牆邊。則沓損不生。【學山蠶經】五月也收桑椹而水淘。少曬焉。畦而種之。至冬而焚其梢。及明年而分種之。

附錄 桑寄生

【增】**本草**別錄曰。桑上寄生。生弘農川谷桑樹上。三月三日。采莖葉陰乾。韓保昇曰。諸樹多有寄生。莖葉

並相似。云是鳥食物子。糞落樹上。感氣而生。葉如橘而厚。莖如槐而肥脆。處處雖有。須桑上者佳。非自采。卽難以別。可斷莖視之。色深黃者爲驗。朱震亨曰。桑寄生藥之要品。而人不諳其的。近海州邑及海外之境。其地暖而不蠶。桑無採掇之苦。氣濃厚。自然生出也。李時珍曰。寄生高者二三尺。其葉圓而微尖。厚而柔。面青而光澤。背淡紫而有茸。川蜀桑多時有生者。他處鮮得。須自采。或連桑採者乃可用。

別錄 原【梧潯雜佩】桑寄生酒出梧州。色白。味頗清冽。昔張華詩。蒼梧竹葉清。陳張正見詩。浮蟻擅蒼梧。皆謂此。第釀者必和以燒酒。以氣候炎蒸。恐酒味易敗故耳。飲勿過多。

附錄 桑花

附錄 本草【桑花】一名桑蘚。一名桑錢。生桑樹上。白蘚如地錢花樣。不是桑椹花也。能健脾澀腸止血。

柘

附錄 古今注【柘實】曰佳。音錐。言佳。鳥所食也。【本草】按陸佃埤雅云。柘宜山石。柘之從石。取此義。寇宗奭曰。柘木

裏有紋。亦可旋爲器。葉可飼蠶。曰柘蠶。然葉硬不及桑葉。李時珍曰。處處山中有之。喜叢生。幹疎而直。葉豐而厚。團而有尖。其葉飼蠶。取絲作琴瑟。絃清響勝常。爾雅所謂棘繭。卽此蠶也。其實狀如桑子。而圓粒如椒。其木染黃赤色。謂之柘黃。

實錄 詩大雅【攘之剔之。其槩其柘。】疏【攘去之。剔剪之者。其爲槩木。其爲柘木之材也。】集傳【槩山

【考工記】弓人爲弓。取幹之道。七柘爲上。【唐書南蠻傳】自曲靖州至滇池。食蠶以柘。蠶生閱二旬而繭。織錦縑精緻。【新論】楚柘質勁。必資榜槩。以成擘弓。【清異錄】張曲江里第之側。有古柘。嘗因狂風。發其一根。解爲器具。花紋甚奇。人又以公之手筆冠世。目之曰文章樹。【羣碎錄】古史考曰。柘樹枝長而勁。烏集之。將飛。柘樹反起。彈烏。烏乃號呼。此枝爲弓。快而有力。因名烏號之弓。【博聞錄】柘葉豐而厚。春蠶餐之。其絲以冷水繅之。謂之冷水絲。

【齊民要術】種柘法。耕地令熟。耨耩作壟。柘子熟時多收。以水淘汰令淨。曝乾。散訖。勞之。草生拔却。勿令荒沒。三年間。剷去。堪作渾心扶老杖。十年中。四破爲杖。任爲馬鞭。胡牀。十五年。任爲弓材。亦堪作屐。裁截碎木中。作錐刀靶。二十年。好作犢車材。欲作鞍橋者。生枝長三尺許。以繩縛旁枝。木樞釘著地中。令曲如橋。十年之後。便是渾成柘橋。欲作快弓材者。宜於山石之間。北陰種之。

附錄 奴柘

【本草】陳藏器云。奴柘生江南山野。似柘節有刺。冬不凋。李時珍曰。此樹似柘而小。有刺。葉亦如柘葉。而小。可飼蠶。

廣羣芳譜卷第十二

桑麻譜

苧麻

【圖】廣雅苧，三稜也。【說文】麻，草也，可以爲繩。【本草】苧麻作紵，可以績紵，故謂之紵。凡麻絲之細者爲紵，麤者爲紵。園苧，績麻也，有二種，一種紫麻，一種白苧，出荆揚閩蜀江浙，今中州亦有之。皮可績布，苗高七八尺，葉如楮葉而無叉，面或青或紫，背白有短毛，花青如白楊而長，夏秋間著細穗，一朵數千穗，白色，子熟茶褐色，根黃白而輕虛，一科數十莖，宿根在土中，到春自生，不須栽種，荆揚間每歲三刈，每畝得麻三十斤，少亦不下二十斤，每斤三百文，過常麻數倍，又有一種山苧，頗相似，蠶最惡麻，凡麻桑之屬，近蠶種則不生，戒之。【本草】李時珍曰：苧，家苧也，又有山苧，野苧也，有紫苧，葉面紫，白苧，葉面青，其背皆白，可刮洗，煮食味甘美，九月收子，二月可種，宿根六月生根，葉氣味甘寒無毒。

【圖】詩王風丘中有麻，彼留子嗟。【圖】齊風藝麻如之何，衡從其畝。【陳風】東門之池，可以沤紵。【傳】紵，麻屬。【周禮地官】凡宅不毛者有里布。【注】謂不植桑麻也，欲令宅植桑麻，則無稅賦，以勸之，不植桑麻之毛者，則罰以二十五家之稅布。【左傳】詩曰：雖有絲麻，無棄菅蒯。【後漢書崔寔傳】

寔出爲五原太守。五原土宜麻。衆而俗不知績織。民冬月無衣。積細草而臥其中。見吏則衣草而出。寔至官。斥賣儲峙。爲作紡績織紝練縵之具以教之。民得以免寒苦。【魏書食貨志】諸麻布之土。男夫及課別給麻田十畝。婦人五畝。【隋書食貨志】河清三年。每丁給永業二十畝爲桑田。不宜桑者給麻田。

【南史甄法崇傳】法崇孫彬。嘗以一束苧。就長沙寺庫質錢。後贖苧還。於苧束中得五兩金。送還寺庫。道人以金半仰酬。往復十餘。彬堅然不受。因謂曰。五月披羊裘而負薪。豈拾遺金者耶。【伏誦傳】甬徙新安太守。在郡清恪。郡多麻苧。家人乃至無以爲繩。其勵志如此。【唐書食貨志】丁隨鄉所出。歲輸絹二匹。綾絕二丈。布加五之一。綿三兩。麻三斤。非蠶鄉則輸銀十四兩。謂之調。【越絕書】麻林山。勾踐欲伐吳。種麻以爲弓絃。故曰麻林。【墨子】婦人夙興夜寐。紡績織紝。多治麻絲葛緒。細布縵。此其分事也。

【荀子】麻葛繭絲。鳥獸之羽毛齒革也。固有餘足以衣人矣。【淮南子】汾水濛濁而宜麻。【風俗通】蓬生麻中。不扶自植。【廬陵記】成芳隱麥林山。剝苧織布。爲短襦寬袖之衣。著以酤酒。自稱隱士衫。

【集韻】贊。晉郭璞麻贊。草皮之良。莫貴於麻。用無不給。服無不加。至物在邇。求之好遐。

【詩散句】原。唐杜甫。青青屋東麻。散亂牀上書。【劉禹錫】煖分煨芋火。明借緝麻燈。【晉謝靈運】折麻心莫展。【宋戴復古】蔽門麻奉奉。

【別錄】原苧根味甘。刮洗去皮切片。浸去惡水。煮極熟。食之甜美。穉頭中有綿。苳之和粉食。可救荒。【移

栽】芋已盛時。宜于周圍掘取新科。如法移栽。則本科長茂。新栽又多。或如代園種竹法。于四五年後。將根科最盛者。間一畦移栽一畦。截根分栽。或壓條滋生。此畦既盛。又掘彼畦。如此更代。滋植無窮。將欲移栽。預選秋耕熟肥地。更用細糞糞過。來春移栽。地氣動爲上時。萌芽爲中時。苗長爲下時。周圍離一尺五寸作區。移栽擁土畢。以水淹之。若夏秋須趁雨後地濕。連土於近地栽亦可。苗高數寸。卽用大糞和半水澆之。最忌豬糞。或曰。芋月月可栽。但須地濕。一云。芋根忌見星月。堂屋內收藏。若露地須用苦蓋。使見星月。卽變野草。栽法。用刀將根截作三四指長。栽時四圍各離一尺五寸作區。每區臥栽二三根。擁土畢。方澆水。三五日再澆。苗高勤鋤。旱則澆之。第二年方堪再刈。至年久根科盤結不旺。掘根分栽。若欲致遠。須少帶原土。裹以蒲包。外用蓆包掩合。勿透風日。數百里外亦可活。【種子】三四月下種。園圃有井及臨河處俱可。沙地爲上。兩和地次之。劓地一二遍作畦。闊半步。長四步。再劓一遍。用杵背浮按稍實。再耙平。隔宿用水飲畦。明旦細齒耙浮耨起。再耙平。隨用潤土半升子一合勻撒。一合子可種六七畦。撒畢。若箒輕輕掃合。用覆土則不出。搭棚三尺高。加細箔遮蓋。五六月炎熱時。箔上加苦重蓋。不則曬死。未生芽或苗初出。不可澆水。用杵箒細灑水於棚上。當令濕潤。每夜及天陰。去箔以受露氣。苗出有草卽拔去。苗高三指。不須用棚。如地稍乾。用水輕澆。約長三寸。擇稍壯地作畦移栽。隔宿飲苗。明旦將空畦澆過。帶土掘苗移栽。相離四寸。頻鋤。三五日一澆。二十日後。十餘日一澆。十月後。用牛馬糞蓋厚一尺。庶不凍死。二

月後耙去糞。令苗出。以後歲歲如此。若北土春月亦不必去糞。即以作壅可也。凡蓋用糞壤諸雜草穢。敝
蓆舊薦俱可。子種者三四年之後。方堪一刈。切忌太早。【刈麻】每歲可割三鎌。頭次見根旁小芽高五
六分。大麻即可割。大麻既割。小芽便盛。即二次麻。若小芽過高。大麻不割。不惟芽不旺。又損大麻。大約五
月初割一鎌。六月半或七月初割二鎌。八月半或九月初割三鎌。諺曰。頭苧見秧。二苧見糠。三苧見霜。唯
二鎌長疾。麻亦最好。割後即以細糞壅之。旋用水澆。必以夜或陰天。若日下澆。則皮有繡痕。【剝麻】刈
倒時。隨用竹刀或鐵刀。從梢分開。剝下皮。即以刀刮其白瓢。其浮上皺皮自脫。得其裏如筋者。煮之。剝麻
春夏和暖時。與常法同。若冬月。用溫水潤濕。易爲分劈。首苧纍勁。堪爲纍布。二苧稍柔細。惟三苧甚佳。堪
爲細布。刮苧之刀。煨鐵爲之。長三寸許。捲成小槽。內插短柄。兩刃向上。以繩爲用。仰置手中。將所割苧皮
橫覆刃上。以大指就按刮之。苧膚即脫。【漚麻】縛作小束。搭房上。夜露晝曬。五七日自然潔白。若值陰
雨。於屋底風道搭晾。經雨即黑。一云。績既成纏。作纓子。於水盆內浸一宿。紡訖。用桑柴灰淋水浸一宿。撈
出。每纏五兩。用淨水一盞。細石灰拌勻。停一宿。至來日擇去石灰。卻用黍稽灰淋水煮過。自然白軟。曬乾。
再用清水煮一度。別用水擺極淨。曬乾。逗成纏。鋪經織造。與常法同。一云。紡成纏。用乾石灰拌和。夏三冬
五。春秋酌中。抖去別用石灰煮熟。待冷於清水中濯淨。然後用蘆簾平鋪水面。攤纏於上。半浸半曬。遇夜
收起。瀝乾。次日如前。候纏極白。方可織布。此池漚之法。須假水浴日曝而成。善績者。麻皮一斤得績一斤。

織布一疋。次者斤半。又次二斤三斤。其布柔韌潔白。比常布價高一二倍。又曰。漚麻者。但如法漚訖。方績作纜。經緯成布。非先績後漚也。亦有用本色績纜者。夜露晝曬。數日便績成纜。待成布後。方練白。若如治葛者。刈後卽蒸熟。剝之。不復練矣。用此作布。更柔而且韌。【收種】收子作種。須頭苧者佳。九月霜降後。收子曬乾。以濕沙土拌勻。盛筐內。以草蓋覆。若凍損則不生。二苧三苧。子皆不成。不堪作種。種時以水試之。取沉者用。

大麻

【圖】大麻一名火麻。一名黃麻。一名漢麻。維者名泉麻。爾雅云。泉麻。疏云。麻一名泉。牡麻。雌者名苴麻。爾雅云。苴麻。母。疏云。苴麻之盛子者也。一名苧。一苧麻。早春種爲春麻。晚春種爲秋麻。莖高五六尺。枝葉扶疎。葉狹而長。狀如益母草葉。一枝七葉。或九葉。五六月開細黃花成穗。隨卽結實。似蘇子而大。剝去皮。作麻績之。可爲布。其穉白而有稜。細者可爲燭心。花名麻勃。子之連殼者名麻蕒。爾雅云。屢泉。實。疏云。卽麻子名也。蕒與屢通。陶弘景以爲麻花。蕒是實。麻仁是實中仁也。一名麻藍。一名青葛。

【書禹貢】岱畎絲枲。鉛松怪石。【傳】岱山之谷。出此五物。皆貢之。【疏】泉麻也。【詩陳風】不績其麻。市也。娑娑。【箋】績麻者。婦人之事也。疾其今不爲。東門之池。可以漚麻。【傳】池。城池也。漚。柔也。【箋】於池中柔麻。使可緝績作衣服。【疏】考工記。櫛氏以澆木漚其絲。注云。漚。漸也。楚人曰漚。齊人曰漚。

然則漚是漸漬之名。此云漚柔者。謂漸漬使之柔韌也。【爾風】八月載績。【傳】載績絲事畢而麻事起

矣。【疏】績緝麻之名。八月絲事畢而麻事起。故始績也。九月叔苴。【疏】苴麻子也。禾麻菽麥。【大

雅】麻麥幪幪。【傳】幪幪然盛茂也。【禮記月令】仲秋之月。天子食麻與犬。以犬嘗麻。先薦寢廟。

【注】麻始熟也。【周禮天官】朝事之籩。其實糲蕒。【注】蕒。泉實也。鄭司農云。熬麥曰糲。麻曰蕒。【疏】注

云。蕒。泉實也者。案喪服云。苴經。子夏傳云。苴麻之有蕒。蕒是麻之子實也。又案疏。衰裳齊牡麻經。子夏傳

云。牡麻者。泉麻也。則泉麻謂雄麻也。若然。泉麻無實。而解蕒爲泉實者。舉其類耳。典。泉掌布總縷紵之

麻草之物。以待時頒功而授齋。【疏】曰。掌布總縷紵之麻草之物者。欲見布總縷用麻之物。紵用草之物。

布中可以兼用葛。蕒之草爲之。及獻功受苦功。以其賈。榻而藏之。以待時頒。【注】鄭司農云。苦功謂麻

功。布紵。【疏】苦功謂麻功爲監蠶之功。【孟子】麻縷絲絮輕重同。則價相若。【禮記周本紀】

周后稷名棄。棄爲兒時。屹如巨人之志。其遊戲好種樹麻菽麻菽美。【隋書孝義傳】紐回字孝政。性至

孝。父母喪。廬於墓側。廬前生麻一株。高丈許。圍之合拱。枝葉鬱茂。冬夏恆青。時人異之。周武帝表其閭。

【南史劉峻傳】峻好學。寄人廡下。自課讀書。常燎麻炬。從夕達旦。時或昏睡。蒸其鬚髮。及覺復讀。其精力

如此。【列子】昔人有美戎菽。甘泉莖。芹萍子者。對鄉豪稱之。鄉豪取而嘗之。蜚於口。糝於腹。衆哂而怨

之。其人大慚。【注】泉。胡泉也。【紀異錄】鄭珏與李愚同爲學士。鄭閣下一麻生。李曰。承旨入相矣。霜

降成實。乃白麻也。是夜制出拜相。拜相用白麻。【崑山縣志】嘉祐中。崑山海上有一船。桅折。風飄泊岸。船中三十餘人。衣冠如唐人。繫紅鞵角帶。著短皂衫。見人慟哭。語言書字。皆不可曉。行則相綴如鴈行。久之自出一書示人。乃唐天寶中屯羅島首領陪戎副尉。又有一書。乃上高麗表。亦稱屯羅島。皆用漢字。蓋東夷之臣屬高麗者。時贊善大夫韓正彥爲令。召其人犒以酒食。且使人爲治梳。教以起仆之法。其人喜。各捧首謝而去。船中有麻子大如蓮的。土人求種之。初歲亦如蓮的。次年漸小。數年後與中國麻子無異。【集韻】七言絕句【圖】宋陸游聞鄰村守麻【樂事新年憶錦城。城南麻市試春行。如今老病茅檐底。臥聽兒童嚇雀聲。

【詩散句】【圖】梁吳均【麻生滿城頭。麻葉落城溝。麻莖左右披。溝水東西流。

【圖】種麻【取斑黑麻子。種地須耕二徧。一畝用子二升。三月種者爲上時。四月初爲中時。五月初爲下時。大率二尺留一科。密則不成。鋤須淨。荒則少實。五穀地近道處種之。六畜不犯。豆地種則兩損。六月中可於空處種蔓菁子。汜勝之書曰。高一尺如蠶矢糞之。樹三升。無蠶矢。以熟糞糞之。天旱以流水澆之。樹五升。井水須少。曝以殺其寒氣。雨澤適時勿澆。澆不欲數。霜後實成速斫。種宜己亥辛巳壬申庚申戊申。及正月三卯日。忌寅未日辛亥日。種駱麻。地宜肥濕。早者四月。遲者六月。繁密處芟去則長。【刈麻】稈上生白膩時卽刈。攤宜薄。束宜少。漚宜清。水生熟要相宜。麻一斤可取皮四兩。【齊民要術】凡種麻

用白麻子。白麻子為雄麻。崔寔曰：牡麻青白無實，兩頭銳而輕浮。麻欲得良田，不用故墟。地薄者糞之。崔寔曰：正月糞，耕不厭熟。田欲歲易，良田一畝用子三升，薄田二升。夏至前十日為上時，至日為中時，至後十日為下時。黃種麻，麻也。澤多者，先漬麻子令芽生，待他白背，耨耩漫擲，子空曳勞，澤少者暫浸，即出不待芽生。耨頭中下之麻，生數日中，常驅雀布葉而鋤，勃如灰便刈，束欲小，縛欲薄，一宿輒翻之。穫欲淨，漚欲清，水生熟合宜。汜勝之書曰：種泉太早，則剛堅，厚皮多節，晚則不堅實，失於早，不失於晚。穫麻之法，穗勃勃如灰，拔之，夏至後二十日漚泉，泉和如絲。

蕪麻 唐本草作商麻

蕪麻說文云：泉屬，從艸，不從林。爾雅翼云：蕪，或作蕪。種必連頃，故謂之蕪。周禮典泉麻草。注：草葛蕪也。【本草】商麻一名白麻。圓苗高四五尺，或六七尺，葉似苧而薄，種與麻同法。葉圓如蓋，花黃，結子如橡斗，而面平，中有隔，外各有尖，子如大麻子而黑，有微毛，與黃麻子同時熟，刈作小束，池內漚之，爛去青皮，取其麻片潔白如雪，耐水爛，可織為毯被，及作汲綆、牛索，或作牛衣、雨衣、草履等具。農家歲歲不可無者，實味苦平無毒，治痢疾及生眼翳，瘀肉起倒睫，拳毛。

附錄 疎麻

【南越志】疎麻大二圍，高數丈，四時結實，無衰落。

【丹鉛錄】楚辭采蒺藜兮瑤華。注以蒺藜卽麻也。觀南越志所載蒺藜則自有此一種木也。

葛

【原】葛一名黃斤。一名鹿藿。鹿食九草此其一種故名。一於雞齊處處有之。江浙尤多有野生。有家種。春生苗引藤。蔓長一二丈。紫色。取治可作絺綌。其根外紫內白。大如臂。長者七八尺。葉有三尖。如楓葉而長。面青背淡。七月著花。紅紫色。纍纍成穗。曬乾可燂食。其莢如小黃豆莢。有毛。子綠色。形扁如鹽梅子核。生嚼腥。七八月採根。味甘辛。花實味甘平。皆無毒。【唐本草】葛根入土五六寸以上者。名葛脰。脰者頸也。服之令人吐。以有微毒也。本經葛穀卽是其實也。

【易困卦】困于葛藟。【疏】葛藟引蔓纏繞之草。【詩周南】葛之覃兮。施于中谷。維葉萋萋。【傳】

覃延也。葛所以爲絺綌。女功之事。煩縟者。施移也。中谷。谷中也。萋萋。茂盛貌。葛之覃兮。施于中谷。維葉莫莫。是刈是穫。爲絺爲綌。服之無斃。【傳】莫莫。成就貌。獲。養之也。精曰絺。麤曰綌。斃。厭也。南有樛木。葛藟纍之。【傳】南。南土也。本下曲曰樛。南土之葛藟茂盛。【邶風】施丘之葛兮。何誕之節兮。【箋】土氣緩則葛生闊節。【王風】綿綿葛藟。在河之滸。【傳】綿綿。長不絕之貌。水厓曰滸。【正義】綿綿然枝葉長而不絕者。乃是葛藟之草。所以得然者。由其在河之滸。得河之潤故也。彼采葛兮。一日不見。如三月兮。【唐風】葛生蒙楚。藟蔓于野。【周禮地官】掌葛以時征絺綌之材于山農。【疏】所以徵絺綌于山

農者以其葛出于山也。【左傳】葛藟猶能庇其本根。【註】葛之能藟蔓繁滋者以本枝廢麻之多。

【汲冢周書】礫石不可穀樹之葛。【越絕書】葛山者勾踐種葛使越女織治葛布獻于吳王夫差去縣

七里。【吳越春秋】吳王得葛布之獻乃復增越之封賜羽毛之飾几杖諸侯之服越國大悅采葛之婦

傷越王用心之苦乃作苦之詩曰葛不連蔓莸台台我君心苦命更之嘗膽不苦甘如飴令我采葛以作

絲女工織兮不敢遲弱于羅兮輕霏霏號絺素兮將獻之越王悅兮忘罪除吳王歡兮飛尺書增封益地

賜羽奇几杖茵褥諸侯儀羣臣拜舞天顏舒我王何憂不能移。【淮南子】於越生葛絺。【輟耕錄】臨

海章安鎮有蔡木匠一夕手持斧斤自外歸由東山殯葬處蔡沈醉寢棺上夜半天黑忽聞一人高叫棺

中云某家女病損症蓋其後園葛大哥淫之耳却請法師捉鬼我二人同行一觀何如棺中云我有客至

不可去蔡明日詣某家曰娘子之疾我能愈之因問屋後曾種葛否曰然乃掘地得一根甚巨斫之有血

煮啖女子病即除。

【集韻】文散句【原】漢劉向九歎葛藟纒于桂樹兮鷓鴣集于木蘭。

【五言古詩】【譜】音樂府前溪歌黃葛結蒙籠生在洛溪邊花落逐水去何當順流還還亦不復鮮。【原】

【唐李白黃葛篇】黃葛生洛溪黃花自綿羃青烟蔓長條繚繞幾百尺閨人費素手採緝作絺絺縫爲絕

國衣遠寄日南客蒼梧大火落暑服莫輕擲此物雖過時是妾手中跡。【譜】明張時徹采葛篇種葛南

山下春風吹葛長。二月吹葛綠。八月吹葛黃。腰鑷逝采掇。織作君衣裳。經以長相憶。緯以思不忘。出入君篋笥。長得近輝光。層冰布河水。中夜皓凝霜。吳羅五文采。蜀錦雙鴛鴦。君恩當斷絕。歎息摧中腸。中腸日以摧。葛葉日以衰。願留枯根株。化作萱草枝。

【七言古詩】**唐鮑溶采葛行**春溪幾回葛花黃。黃麝引子山山香。蠻女不惜手足損。鈎刀一一率利長。葛絲茸茸春雪體。深澗擇泉清處洗。殷勤十指蠶吐絲。當牕嫋嫋聲高機。織成一匹無一兩。供進天子五月衣。

【五言律詩】**唐戎昱和李尹種葛**弱質人皆棄。唯君手自栽。藟含霜後竹。香惹臘前梅。擬托凌雲勢。須憑接引材。綠陰如可惜。黃鳥定飛來。

【七言絕句】**唐曹唐小遊仙詩**方士飛軒駐碧霞。酒香風冷月初斜。不知誰唱春歸曲。落盡溪頭白葛花。

【詩散句】**魏曹植**種葛南山下。葛藟自成陰。**唐孟郊**葛花零落風。**項斯**螢歸葛葉垂。

韓翃葛花滿把能消酒。**羅鄴**石井晴垂青葛葉。

【劉錫原】**梁書任昉傳**昉素清貧。卒後其子西華。冬日著葛帔練裙。道逢劉孝標。孝標泫然矜之。乃著廣絕交論。蓋譏其舊交也。**南史隱逸傳**吳苞濮陽鄆城人。宋太始中過江。聚徒教學。冠黃葛巾竹麈。

尾蔬食二十餘年。園葛根端陽午時採破之曬乾入藥。解酒毒。治消渴傷寒壯熱。敷蟲蛇傷。殺百藥毒。壓丹石發瘡疹。又可蒸及作粉食。甚益人生者墮胎。多食傷胃。花同小豆花乾為末。酒服。飲酒不醉。金瘡出血。按葉傅之。燒蔓研水服。治卒然喉痹。【採葛】夏月葛成。嫩而短者留之。一丈上下者連根取。謂之頭葛。如太長。看近根有白點者不堪用。無白點者可截七八尺。謂之二葛。【練葛】採後即挽成網。緊火煮爛熟。指甲剝看。麻白不黏青。即剝下。長流水邊捶洗淨。風乾露一二宿。尤白。安陰處。忌日色。紡之以織。【洗葛衣】清水揉梅葉洗。經夏不脆。或用梅葉搗碎。泡湯入磁盆內洗之。忌用木器。則黑。

附錄 鐵葛

【本草拾遺】鐵葛生山南峽中。葉似枸杞。根如葛。黑色。味甘溫無毒。主一切風。血氣羸弱。令人性健。久服治風。緩偏風。

木棉花 按斑枝花與木棉同類異種原附錄于後今從本草併合為一其諸家辨論不一具載彙考中以備參考

【本草】木棉一名古貝 似木者名古貝或作吉貝乃古字之訛 一名古終 似草者 梵書謂之啖婆。又曰迦羅婆劫。李時珍

曰木棉有草木二種。交廣木棉樹大如抱。其枝似桐。葉大如胡桃葉。入秋開花。紅如山茶。花藥花片極厚。為房甚繁。短側相比。結實大如拳。實中白棉。棉中有子。今人謂之斑枝花。訛為攀枝花。南史所謂林邑國出古貝花。中如鵝毳。吳錄所謂永昌木棉樹高過屋。皆指似木之木棉也。江南淮北所種木棉。四月下種。

莖弱如蔓。高者四五尺。葉有三尖如楓葉。入秋開花。黃色。如葵花而小。亦有紅紫者。結實大如桃。中有白棉。棉中有子大如梧子。亦有紫棉者。八月採。謂之棉花。南史所謂高昌國有草實。如繭中絲爲細纒。名曰白疊。南越志謂桂州出古終藤。結實如鵝毳。皆指似草之木棉也。此種出南番。宋末始入江南。今徧及江北。與中州矣。圓春月以子種。稽似木。葉綠似牡丹而小。花黃如秋葵。而葉單。幹不貴高長。枝最喜繁茂。結實三稜。青皮尖頂。纍纍如桃。北人呼爲花桃。熟則桃裂而絨現。其絨如鵝毳。用以絮衣甚輕暖。子如珠。可以打油。油之滓可以糞地。粘甚堅。堪燒。葉堪飼牛。其爲利益甚溥。種類甚多。江花出楚中。棉不甚重。二十而得五。性強緊。北花出畿輔山東。柔細中紡織。綿稍輕。二十而得四。或得五。浙花出餘姚。中紡織。綿最重。二十而得七。吳下種大都類此。更有數種稍異者。一曰黃蒂穰。蒂有黃色。如粟米大。棉重。一曰青核。核青細于他種。棉重。一曰黑核。核亦細。純黑色。棉重。一曰寬大衣。核白而穰浮。棉重。此四種皆二十而得九。黃蒂稍強緊。餘皆柔細中紡織。又一種紫花浮細而核大。棉輕。二十而得四。其布製衣甚朴雅。士紳多尙之。又有深青色者。亦奇種。其傳不廣。擇種須用青核等爲佳。

【書禹貢】島夷卉服。厥篚織貝。【集傳】卉。草也。葛及木棉之屬。今南夷木棉之精好者。亦謂之吉貝。海島之夷以卉服來貢。而吉貝之精者。則入篚焉。【南史高昌國傳】有草實。如繭中絲。爲細纒。名曰白疊。取以爲帛。甚軟白。【林邑國傳】出古貝。古貝者樹名也。其花成時如鵝毳。抽其緒紡之。以作布。與

紵布不殊亦染成五色織爲斑布。【呵羅單國傳】都闍婆洲元嘉七年遣使獻古貝葉波國古貝等物。

【丹丹國傳】梁中大通二年遣使奉表獻古貝雜香藥。【唐書南蠻傳】婆利以古貝橫一幅繚於腰。

古貝草也緝其花爲布麤曰貝精曰纈。【吳錄】交阯定安縣有木棉樹高丈實如酒杯口有綿如蠶之

綿也又可作布名曰白縲一名毛布。【南越志】桂州出古終藤結實如鵝毳核如珠治出其核紡如絲

綿染爲斑布。【南州異物志】木棉吉貝所生熟時如鵝毳細過絲綿中有核如珠珣用之則治出其核

昔用輓軸今用攬車尤便其爲布曰斑布繁縟多巧曰城次麤者曰文縟又次麤者曰烏麟。【諸番雜

志】木棉吉貝木所生占城闍婆諸國皆有之今已爲中國珍貨但不自本土所產不能足用。【演繁

露】唐環王傳出古貝古貝草也緝其花爲布麤曰貝精曰氈按今吉貝亦緝花爲之而古吉二字不同

豈訛名耶抑兩物也。【遯齋閒覽】閩嶺以南多木棉土人競植之有至數千株者采其花爲布號吉貝

布余後因讀南史海南諸國傳言林邑等國出吉貝木正此種也。【泊宅編】閩廣多種木綿紡績爲布

名曰吉貝海南蠻人織爲巾上出細字雜花卉尤工巧卽古所謂白疊布李琮詩有腥味魚中墨衣成木

上綿之句。【原】解醒語元至元間馬八兒國入貢二十二年遣使至其國求奇寶得吉貝衣十襲吉貝

樹名其花成時如鵝毳抽其緒紡之以作布亦染成五色織爲斑布。【丹鉛總錄】唐李商隱詩木棉

花發鷓鴣飛又王叡詩紙錢飛出木棉花南中木棉樹大如抱花紅似山茶而葉黃花片極厚非江南所

藝者張勃吳錄云。交趾安定縣有木棉樹。實如酒杯。口有綿。可作布。按此卽今之斑枝花。雲南阿述州有之。嶺南尤多。汪廣洋有斑枝花曲。【閩部疏】昔聞長老言。廣人種棉花。高六七尺。有四五年不易者。余初未之信。過泉州至同安龍溪間。扶搖道傍。狀若榛荆。迫而視之。卽棉花也。時方清秋。老幹已著黃花矣。然不可呼爲木棉。木棉花者。高樹丹花若茶。吐實蓬蓬。吳中所謂攀枝花也。楊用修具載丹鉛以爲異。曰雲南阿迷州有之。聞嶺廣猶多。不知惠安志已載此樹。名爲攀桂花。楊乃曰斑枝花。與吳中攀枝花。蓋三名一物也。【園】梧潯雜佩。吾松以棉布衣被天下。而棉花之來。莫詳其始。相傳爲種出西番。元時始入中國。按通鑑梁武帝送木棉阜帳。史炤釋文云。木棉江南多有之。以春二三月下種。旣生須一月三薹。至秋生黃花結實。及熟時其皮四裂。其中綻出如棉。土人以鐵錘碾去其核。取如棉者。以竹爲小弓。長尺四五寸許。牽弦以彈綿。令其勻細。卷爲筒。就車紡之。自然抽緒。如縲絲狀。織以爲布。按史炤所言。卽今之綿花無疑矣。但今制彈綿之弓。以木爲之。長六尺餘。則與古稍異耳。謂起自元時非也。第史炤以此解木棉。亦未爲當。木棉出交廣。其樹盈抱。其實如酒杯。其口有綿。可作布。見張勃吳錄。卽今之斑枝花。楊用修辯之是矣。木綿一名瓊枝。其高數丈。樹類梧桐。葉類桃而稍大。花色深紅。類山茶。春夏花開滿樹。望之爛然如綴錦。花謝結子。大如酒杯。絮吐于口。茸茸如細毳。舊云海南蠻人織爲布。名曰吉貝。今第以充裯褥。取其軟而溫。未有治以爲布者。潯梧間亦多有之。但土人未嘗採取。隨風飄墜而已。【農政全書】玄扈

先生曰。吉貝之名。獨昉於南史。相傳至今。不知其義。意是海外方言也。小說家所謂木棉。其所爲布。曰城。曰文縠。曰烏麟。曰斑布。曰白氈。白縠。曰屈珣者。皆此。故是草本。而吳錄稱木棉者。南中地煖。一種後開花。結實。以數歲計。頗似木芙蓉。不若中土之歲一下種也。故曰十餘年不換。明非木本矣。吉貝之稱木。卽禹。賈之言卉。取別於蠶綿耳。閩廣不稱木棉者。彼中稱攀枝花爲木棉也。攀枝花中作裯褥。雖柔滑而不韌。絕不能牽引。豈堪作布。或疑木棉是此。謂可爲布。而其法不傳。非也。吳錄所言木棉。亦卽是吉貝。或疑其云樹高丈。當是攀枝。不知攀枝高十數丈。南方吉貝數年不凋。其高丈許。亦不足怪。蓋南史所謂林邑吉貝。吳錄所謂永昌木棉。皆指草本之木棉。可爲布。意卽娑羅木。然與斑枝花絕不類。又中土所織棉布。及西洋布。精麤不等。絕無光澤。而余見曹溪釋惠能所傳衣。曰屈珣布。卽白氈布。云是西域木棉心所織者。其色澤如蠶絲。豈卽娑羅籠段耶。抑西土吉貝尙有他種邪。又嘗疑洋布之細。非此中吉貝可作。及見榜葛刺吉貝。其核絕細。綿亦絕軟。與中國種大不類。乃知向來所傳。亦非其佳者。

【序】元王禎木綿圖譜序】中國自桑土旣蠶之後。惟以繭纒爲務。殊不知木棉之爲用。夫木棉

產自海南。諸種藝制作之法。駸駸北來。江淮川蜀。旣獲其利。至南北混一之後。商販于此。服被漸廣。名曰吉布。又曰綿布。其幅疋之制。特爲長闊。茸密輕暖。可抵繒帛。又爲毳服毳段。足代本物。按裴淵廣州記云。蠻彝不蠶。採木棉爲絮。又諸番雜志云。木棉吉貝木所生。占城閩婆諸國皆有之。今已爲中國珍貨。但不

自本土所產不能足用。且比之蠶桑。無採養之勞。有必收之效。將之臬苧。免績緝之工。得禦寒之益。可謂不麻而布。不繭而絮。雖曰南產。言其通用。則北方多寒。或繭績不足。而裘褐之費。此最省便。列製造之具于此。廣遠近滋習農務。助桑麻之用。華夏兼蠶桑之利。將自此始矣。【明王象晉木棉譜序】禹貢島夷卉服。厥篚織貝。蔡氏謂棉之精好者爲吉貝。徐子先吉貝一疏。載棉之利最詳。興美利。前民用。仁人之言。夫今棉之利。遍宇內。且功力視苧葛甚省。績苧葛日以錢計。紡綿四日而得一觔。信其利遠出麻臬上也。今北土廣樹蠶而昧於織。南土精織紆而寡於蠶。若以北之棉。學松之織。利當更倍。願棉則方舟而嚮諸南。布則方舟而嚮諸北。此子先所爲歎也。予故撮其旨要。俾務本者得覽焉。

【賦】御製木棉賦并序。木棉之爲利於人溥矣。衣被禦寒。實有賴焉。夫旣紡以爲布。復擘以爲絛。卒歲之謀。出之隴畝。功不在五穀下。嘗稽之載籍。島夷卉服。註以爲吉貝。卽其種也。然止以充遠方之貢。而未嘗遍植于中土。故周禮婦功。惟治蠶桑。唐徵庸調。但及絲麻。至木棉之種。後世由外蕃始入于關陝閩粵。今則遠邇貴賤。咸資其利。而昔人篇什罕有及之者。故爲之賦曰。攷吉貝之佳種。披丘索以窮源。道伽毗而遠來。由秦粵而衍蕃。傲崖州之紡織。製七襄而無痕。傲宋人之泝澗。比八綿而同溫。先麥秋而播種。齊壺棗而登原。宿黃雲于萬葉。墮白雪于千村。落秋實于露晞。軋機柚于星昏。煖佐耆年之帛。陽回寒女之門。幸卒歲之可娛。乃民力之普存。若應鐘之司律。正薄寒之中人。月照牛衣之夜。霜侵葛屨之辰。家挾千

箱之續。路絕百結之鶉。曝茅簷而歌愛日。賽田祖而洽比隣。謝履絲之靡麗。免干貉之艱辛。故夫八口之家。九土之氓。無沍寒之膚裂。罕疾風之條鳴。時和年豐。水耨火耕。歲落三鍾之棉。場登百畝之秔。同彼婦子。樂此太平。奚羨纂組之巧。與夫縞紵之輕。慨風詩之未錄。省方問俗。將以補函什而續授衣之經。

【五言古詩】**續**宋謝枋得謝劉純父惠木綿布嘉樹種木棉天何厚八閩厥土不宜桑蠶事殊艱辛木棉收千株八口不憂貧江東易此種亦可致富殷柰何來瘴癘或者畏蒼旻吾知饒信間蠶月如岐邠兒童皆衣帛豈但奉老親婦女賤羅綺賣絲買金銀角齒不兼與天道斯平均所以木棉利不畀江東人避秦衣木葉矧肯羞懸鶉天下有元德孔融願卜鄰綈袍望不及共裘志自仁贈我以兩端物意皆可珍潔白如雪積麗密過錦純羔縫不足貴狐腋難擬倫絺纈皆作貢此物不薦陳豈非神禹意隱匿遺小民詩多草木名箋疏欲諄諄國家無楚越欲識固無因翦裁爲大裘窮冬勝三春

【詩散句】**原**唐張籍蜀客南行祭碧雞木棉花發錦江西**續**宋劉克莊幾樹半天紅似染居人云是木棉花【楊萬里】却是南中春色別滿城都是木棉花【元方夔】木棉白茸茸

【圃園】**種植**種花之地以白沙土爲上兩和土次之喜高亢惡下濕拾花畢卽剝去枯遍地上糞隨深耕之令陽和之氣掩入土內有力耕三遍隨撈平不致風乾如秋耕二遍正月地氣透或時雨過再耕一遍大約糞多則先糞而後耕糞少則隨種而用糞此其槩也須用熟糞麻餅亦佳**續**農政全書花性

忌燥。燥則濕蒸而桃易脫落。花忌苗並。並則直起而無旁枝。中下少桃。種不宜晚。晚則秋寒早。則桃多不成實。卽成亦不甚大。而花軟無絨。玄扈先生曰。秋耕爲良。穫稻後卽用人耕。又不宜耙細。須大壟岸起。令其凝沍。來年凍釋。土脈細潤。正月初轉耕。二月初再轉。此二轉必撈蓋令細。清明前作畦畛。土欲絕細。畦欲闊。溝欲深。旣作畦。便於白地上鋤三四次。雨後鋤爲良。則土細而草除。園棉田於清明前先下壅。或糞或灰。或豆餅。或生泥。多寡量田肥瘠。剉豆餅勿委地。仍分定畦畛均布之。吾鄉密種者不得過十餅以上。糞不過十石以上。懼大肥虛長不實。實亦生蟲。若依古法。苗間三尺。不妨一再倍也。有種晚棉用黃花苕饒草底壅者。田擬種棉。秋則種草。來年刈草壅稻。留草根田中耕轉之。若草不甚盛。加別壅。欲厚壅。卽並草掩覆之。或種大麥蠶豆等。並掩覆之。皆草壅法也。草壅之收。有倍他壅者。惟生泥棉所最急。不論何物。壅必須之。【擇種】農桑通訣云。花種初收者未實。近霜者不生。惟中間收者爲上。老農云。棉種必冬月碾取。經日燥曬。冬月生意斂藏。曬曝不傷萌芽。春間生意茁發。不宜大曬。總之陳者。糝者。油者。濕蒸者。經火焙者。皆不堪作種。將種時用水溫濕。過半刻淘出。其不堪者皆浮出水面。而堅實不損者。必沉。取而種之。苗必茂。又一法。浸用雪水能旱。鱧魚汁浸過不蛀。【下種】種不宜蚤。恐春霜傷苗。又不宜晚。恐秋霜傷桃。大約在清明穀雨間。此時霜止也。種法有三。漫撒者用種多。更難耘。耨耩者易鋤。而用種亦多。惟穴種者用種頗少。但多費人工。法將耕過熟地。仍用犁耕過。就於溝內。隔一尺作一穴。澆水一二碗。俟

水入地。下種四五粒。熟糞一碗。覆土一二指。用腳踏實。大約一人持種。二人攜糞。若漫撒及耨耩者。須用石碗碗實。若虛浮則芽不能出。出亦易萎。【耘苗】鋤棉者。一去草穢。二令浮土附苗根。則根入地深。三令土虛浮根。苗得遠行。功須極細密。鋤必七遍以上。又當在夏至前。諺曰。鋤花要趁黃梅信。鋤頭落地長三寸。大抵苗宜稀。鋤宜密。此要訣也。初頂兩葉。止剗去草。宜密留以備傷。再鋤宜稍密。三鋤則定苗科一穴。止留羸旺者一株。斷不可兩株並留。並則直起而無旁枝。桃少苗長後。有幹羸葉大衆中特壯異者。名曰雄花。大而不結實。然又不可無。間留一二株。多則去之。地中不可種別物。恐分地力。又不宜密種。如肥田密種。卽青酣不實。又易生蟲。稀種則能肥。肥則實繁而多收。亢倉子曰。立苗有行。故速長。強弱不相害。故速大。正其行。通其中。疏爲冷風。則有收而多功。又云。樹肥無使扶疎。樹礪不欲專生而獨居。夫苗其弱也。欲孤。其長也。欲相與俱。其熟也。欲相與扶。扶疎且不可。況逼迫耶。若數寸一株。長枝布葉。株百餘子。畝二三百斤。豈不力省而利倍哉。【打心】苗高七八寸。打去衝天心。令四旁生枝。旁枝半尺以上。亦打去心。勿令交枝相揉。如此則花多實密。葉葉不空。大約打心當在伏中。三伏各打一次。不宜雨暗。恐聾灌而多空條。最宜晴明。庶旺相而生旁枝。如有未長大者。又當隨時打去。不必例拘。【農政全書】打心視苗遲早。早者大暑前後摘。遲者立秋摘。秋後勢定勿摘矣。摘亦不復生枝。簡別之法。老農云。一二次鋤去大葉者。此大核少棉種也。三鋤後去小葉者。此秕不實種也。或實而油涸。病種也。第此爲雜種言耳。若

純用墨核等佳種精擇之。自無大核雜種。卽全去小者。圓【拾花】花旣結。桃待桃開。絨露爲熟。旋熟旋摘。攤放箔上。日曝夜露。待子粒旣乾。方可收貯。則絨不澀而子不腐。【紡績】花旣曝乾。碾去種子。彈使熟細。便可紡線。農桑通訣所載紡車容三繅。若做其製而效之。尤易爲力。或曰。北地風高。細紡不易。今肅寧之布。幾同松之中品。聞其鄉多穿地窖。深數尺。作屋其上。簷高地二尺許。作窻以通日光。人居其中。就濕地紡績。便得緊細。與南土無異。若陰雨蒸濕。不妨移就平地。而南人寓都下者。多朝夕就露下紡。日中陰雨亦紡。則安在北地風高不便細紡也。【織布】布之名不一。曰城。曰文縵。曰烏麟。曰屈珣。曰白氎。白縹。曰貝布。斑布。總之皆棉布也。海南所織。上出細字雜花。名吉貝布。松布之巧者。有折枝團鳳。碁局字樣等製。而一切桿彈紡織綜綫挈花法。皆始于黃媪。其布之麗密。他方莫並焉。南中用糊。先將棉繅入紅車成紅。次入糊盆。度過竹木。作架兩端。用絳急維。竹帚痛刷。候乾上機。謂之刷紗。南布之佳者。皆刷紗也。北地則風塵易起。若依肅寧作窖。冒以修廊。循簷作廳。令可開闔。以避就風。日於中。經刷織紅。遇輕陰無風。織塵不起。不妨移之平地。成布當不減吳下矣。

廣羣芳譜卷第十三

蔬譜

薑

園薑

說文作薑

禦濕之菜也。苗高二三尺。葉似箭竹葉而長。兩兩相對。苗青根嫩白。老黃無實。處處有之。漢溫池燥者良。三月種。五月生。苗如初生嫩蘆。而葉稍闊。葉亦辛香。秋社前後新芽頓長。如列指狀。采食無筋尖。微紫。名紫芽薑。又名子薑。秋分後者次之。霜後則老。性惡濕畏日。秋熱則無薑氣。味辛微溫無毒。通神明。辟邪氣。益脾胃。散風寒。除壯熱。治脹滿。去胸中臭氣。解菌蕈諸毒。生用發熱。熟用和中。留皮則涼。去皮則熱。八九月多食。春多患眼。孕婦忌食。令兒盈指。

【園薑】論語不撤薑食。

【史記貨殖傳】千畦薑韭。其人與千戶侯等。

【後漢書方術傳】左慈少

有神道。嘗在司空曹操坐。求銅盤貯水。以竹竿餌釣於盤中。引出鱸魚。操又謂曰。既已得魚。恨無蜀中生薑耳。慈曰。亦可得也。操恐其近卽所取。因曰。吾前遣人到蜀買錦。可過勅使者增市二端。語頃卽得薑還。并獲操使報命。【南齊書良政傳】孔琇之爲臨海太守。在任清約。罷郡還。獻乾薑二十斤。世祖嫌少。及知琇之清。乃歎息。【南史周捨傳】捨占對辯捷。嘗居直廬。語及嗜好。裴子野言從來不嘗食薑。捨應

聲曰。孔稱不撤。裴乃不嘗。一坐皆悅。【呂氏春秋】和之美者。蜀郡楊樸之薑。【春秋運斗樞】璇星散爲薑風。士失得逆時。則薑有翼。辛而不臭。【神仙傳】介象垂綸。罔水得鱷魚。使廚下切之。吳主曰。聞蜀使來。得蜀薑。作齏甚好。恨爾時無此象。曰。蜀薑豈不易得。願差所使者。可付值。吳主指左右一人。以錢五十付之。象書一符。以著青竹杖中。使行人閉目。騎杖。杖止。便買薑。訖。復閉目。此人承其言。騎杖。須臾止。已至成都。不知是何處。問人。人言是蜀市中。乃買薑。於時。吳使張溫先在蜀。既於市中相識。甚驚。便作書寄其家。此人買薑畢。捉書負薑。騎杖閉目。須臾已還吳。廚下切鱸適了。【酉陽雜俎】山上有薑。下有銅錫。

【李先生傳】郎中喬翻於洋渚。遇神人。意欲啖薑。而市無之。神人以絹數疋。并書一牒。付信入市。門南下任意所之。須臾得薑數斗。還以問神人。神人曰。問李先生當知我。【東坡雜記】王介甫多思。而喜鑿時出一新說。既而悟其非也。則又出一言而解釋之。是以其學多說。嘗與劉貢父食。輟箸而問曰。孔子不撤薑食。何也。貢父曰。本草生薑多食損智。道非明。民將以愚之。孔子以道教人者也。故不撤薑食。將以愚之也。介甫欣然而笑。久之乃悟其戲已也。貢父雖戲言。然王氏之學。實大類此。庚辰二月十一日。食薑粥甚美。歎曰。無怪吾愚。吾食薑多矣。因并貢父言記之。以爲後世君子一笑。

【賦散句】漢司馬相如賦。此薑藁荷。【張衡南都賦】蘇藜紫薑。拂徹羶腥。【晉潘岳閒居

賦】青筍紫薑。【左思蜀都賦】甘蔗辛薑。陽蔭陰敷。【魏都賦】薑芋充茂。

【五言古詩】**原**宋梅堯臣謝劉原父寄糟薑名園萬家城千畦等封侯。斲當燕去前。醃芽費糟丘。無筋偃王笑。有味三閭羞。寄入翰林席。聖以不撤優。又寄蓬門下。作賦誰肯休。惟我廣文舍。免爲齏鹽仇。劉公漢家裔。才學歆向儔。胸中飽經史。辨論出九州。曾不奉權貴。但與故人投。贈辛非贈甘。此意當自求。

【五言絕句】**原**宋劉子翬詠子薑新芽肌理細。映日瑩如空。恰似勻妝指。柔尖帶淺紅。【朱子子薑】薑云能損心。此謗誰與雪。請論去穢功。神明看朝徹。

【詩散句】**原**唐李商隱蜀薑供煮陸機蓴。【宋蘇軾】先社薑芽肥勝肉。故人兼致白牙薑。

【別錄】**韓詩外傳**宋玉因其友見楚相。楚相待之無以異。讓其友。其友曰。夫薑桂因地而生。不因地而辛。女因媒而嫁。不因媒而親。【長編】秦檜欲晏敦復附己。使人諭之。晏答曰。爲我謝秦公。薑桂之性。到老愈辣。【種植】宜白沙地小。與糞和種。熟耕。縱橫七八徧佳。清明後三日種。闊一步作畦。長短隨地。橫作壟。壟相去一尺。深五六寸。壟中安薑一尺一科。帶芽大三指。蓋土三寸。覆以蠶沙。無則用熟糞。雞糞尤妙。芽出後。有草卽耘。漸漸以土蓋之。已後壟中却令高。不得去土。爲芽向上長也。芽長後。從旁掘去老薑。耘鋤不厭數。五六月。覆以柴棚。或插蘆蔽日。不耐寒熱。八月收取。九月置煖窖中。寒甚作深窖。以糠糝和埋煖處。勿凍壞。來年作種。【吳下田家志】種薑宜甲子乙丑辛未壬申壬午。【製用】生熟醋醬糟鹽蜜煎皆宜。早行山中。含之不犯霜霧蒸濕。及山嵐之瘴氣。法製伏薑。薑四斤。刮去麤皮。洗淨曬乾。放

磁盆。入白糖一斤。醬油二斤。官桂大茴香。陳皮。紫蘇葉各二兩。切細伴勻。初伏曬起。至三伏終收貯。曬時用紗或夏布罩住。勿令蠅蟲飛入。此薑神妙。能治百病。伏月以老薑切片。秤一斤重爲率。曬乾。先用官桂茴香丁香川椒各一兩爲末。浸鏡面牽燒酒二斤。俟藥氣化溶。閉罐蒸待冷。將曬乾生薑浸酒內。曬乾。又浸。又曬。以酒盡爲度。磁罐收貯。如冬月大寒。侵晨噙薑一片。通身和暖。蜜煎薑。秋社前取嫩芽二斤。洗淨控乾。不用鹽醃。以沸湯瀝乾。用白礬一兩半。湯泡化。一宿澄清。浸薑十餘日。方以蜜煎。磁罐貯留。經年。須常換蜜。脆薑以嫩者去皮。甘草白芷零陵香少許同煮熟。切片食。法製薑。煎沸湯八升。入鹽三斤打勻。次早別取清水。以白梅半斤搥碎和浸。同前鹽水和合貯頓。逐日採牽牛花。去白蒂。投水中。候水深濃。去花取嫩薑十斤。拭去紅衣。隨意切片。用白鹽五兩。白礬五兩。沸湯五碗。化開。澄清浸薑。微向日影中曬二日。撈出晾乾。再入少鹽拌勻。曬烈日中。待薑上白鹽凝燥爲度。入器收貯。醋薑。嫩薑不拘多少。炒鹽醃一宿。取出滷。同米醋煮數沸。候冷。入薑及沙糖。隨多少。箬扎泥封固。糟薑。嫩薑天晴時。收陰乾五日。以麻布拭去紅皮。每一斤用鹽二兩。糟三斤。醃七日。取出拭淨。別用鹽二兩。法糟五斤拌勻。入新磁罐。先以核桃二枚。搥碎安罐底。則薑不辣。然後入薑。平糟面。以小熟栗末摻上。則薑無渣。如常法泥封固。如要色紅。入醃牛花拌糟。糟薑取嫩薑用酒拌糟勻。入磁罌。上用沙糖一塊。箬扎口泥封。七日可食。醋薑。炒鹽醃一宿。以原滷入醃醋同煎。五味薑。嫩薑一片。切薄片。用白梅半斤打碎去仁。入炒鹽二兩。

拌勻曬三日取出用甘草半兩檀香二錢爲末拌勻曬三日磁器收貯九月二十八日食薑損目
【南方草木狀】冬葉乃薑葉也苞莖物交廣皆用之南方地熱物易腐敗惟冬葉藏之乃可持久
【齊民要術】生薑一片淨洗刮去皮竿子切不患長大如細漆箸以水二升煮令沸去沫與蜜二升煮復令沸更去沫
椀子盛合汁減半奠用箸二人共無生薑用乾薑法如前唯切欲極細蜜薑法用生薑淨洗削治十月酒糟中藏之泥頭十日熟出水洗內蜜中大者中解小者渾用豎奠四又云卒作削治蜜中煮之亦可用
【東坡雜記】予昔監郡錢塘遊淨慈寺衆中有僧號聰藥王年八十餘顏如渥丹目光炯然問其所能蓋診脈知吉凶如智緣者自言服生薑四十年故不老云薑能健脾溫腎活血益氣其法取生薑之無筋滓者然不用子薑錯之并皮裂取汁貯器中久之澄去其上黃而清者取其下白而濃者陰乾刮取如麪謂之薑乳以蒸餅或餅搜和丸如桐子以酒或鹽米湯吞數十粒或取末置酒食茶飲中食之皆可聰曰山僧孤貧無力治此正爾和皮嚼爛以溫水嚥之耳初固辣稍久則否今但覺甘美而已

椒

園椒一名花椒一名大椒一名檄爾雅云檄大椒注云實大者名爲檄一名秦椒以產自秦地故名今北方秦椒另有一種生秦嶺泰山瑯琊間今處處有之椒稟五行之精葉青皮紅花黃膜白子黑氣香最易蕃衍枝間有刺扁而大葉對生形尖有刺堅而滑澤蜀吳製作茶四月開細花五月結子生青熟紅大於蜀椒其目亦不及蜀椒光黑出隴西天

水粒細者善。今成皐諸山有竹葉椒。小毒熱不堪入藥。東海諸山上亦有椒。枝葉亦相似。子長而不圓。甚香味似橘皮。椒閉口者殺人。五月食損氣傷心。令人多忘。中毒者涼水麻仁漿解之。

【詩唐風】椒聊之實蕃衍盈升。彼其之子碩大無朋。椒聊且遠條且。【陳風】貽我握椒。【周

頌】有椒其馨。【史記禮書】椒蘭芬苳所以養鼻也。【晉書石崇傳】崇與貴戚王愷羊琇之徒以

奢靡相尚。崇塗屋以椒。愷用赤石脂。【宋史地理志】黎州貢紅椒。【山海經】景山其草多秦椒。琴

鼓之山其木多椒。【荀子】民之親我。驩若父母。其好我芬若椒蘭。【淮南子】申椒杜苳美人之所懷

服也。及漸之於滌則不能保其芳矣。【漢官儀】皇后稱椒房。取其實蔓延盈升。以椒塗室。亦取其溫暖

【春秋運斗樞】玉衡星散爲椒。【孝經援神契】椒薑禦濕。菖蒲益聰。【原】四民月令【正月之旦進

酒降神畢。室家無大小。次坐先祖之前。子孫各上椒酒於其家長。稱舉白。【燉煌新錄】蘇割刺答魯

之右大渾中高百尋。然無草木。石皆絕色。山產椒。椒大如彈丸。然之香聞數里。每然椒。則有鳥自雲際踰

躡五色。名赭爾鳥。蓋鳳凰種也。漢武帝遣將軍趙破奴逐之。得其椒不能解。詔問東方朔。朔曰。此天仙椒

也。塞外千里有之。能致鳳。武帝植之太液池。至元帝時椒生。果有異鳥翔集。【下黃私記】鍾繇嬖庶子

會之母。黜其夫人。文帝命繇復之。繇恚忿。餐椒致噤。帝乃止。【東坡詩注】吳真君服椒法。并歌曰。其椒

應五行。其仁通五義。服之半年內。脚心汗如水。【瀛厓勝覽】蘇門答刺者。卽古須文達那國。其地依山

則種椒園。蔓生如中國甜菜狀。花黃子白。其實初青。老則紅。半老則采之曬乾。每百斤直白金一兩。
【韻】【銘】【晉成公綏椒華銘】嘉哉芳椒。載繁其實。厥味惟珍。蠲除百疾。肇惟歲始。月正元日。永介眉
壽。以祈初吉。

【頌】【晉劉臻妻元日獻椒花頌】美哉靈葩。爰采爰獻。聖容映之。永壽於萬。

【贊】【晉郭璞椒贊】椒之灌植。實繁有倫。薰林烈薄。辭其芬辛。服之不已。洞見通神。

【文賦散句】【楚屈原離騷】雜申椒與菌桂兮。巫陽將夕降兮。懷椒醕以要之。【九歌】奠桂酒兮
椒漿。播芳椒兮盈堂。【九章】惟佳人之獨處兮。折若椒以自虔。【漢司馬相如子虛賦】椒桂木蘭。

【劉向九歎】懷椒聊之謔謔兮。【魏曹植七啓】紫蘭丹椒。施和必節。【晉左思蜀都賦】或蕃丹椒。

【七言律詩】【明僧宗林花椒】欣欣笑口向西風。噴出玄珠顆顆同。采處倒含秋露白。曬時嬌映夕陽
紅。調漿美著騷經上。塗壁香凝漢殿中。鼎餼也應加此味。莫教薑桂獨成功。

【五言絕句】【唐王維椒園】桂尊迎帝子。杜若贈佳人。椒漿奠瑤席。欲下雲中君。【裴廸椒園】丹刺
冒人衣。芳香留過客。幸堪調鼎用。願君垂採摘。

【詩散句】【唐杜甫】守歲阿戎家。椒盤已頌花。【白居易】聞道雲南有瀘水。椒花落時瘴煙起。

【周庾信】椒花逐頌來。紅椒豔復殊。【唐杜甫】椒實雨新紅。【孟浩然】石上攢椒樹。【李

賀】椒花墜紅濕雲間。【元馬祖常】椒花染紫風雨香。

【酉陽雜俎】椒可以來水銀。椒氣好下。【物類相感志】用鹽搗椒椒味好。【園養生要論】

十二月臘夜令人持椒臥井旁無與人言內椒井中除瘟病。【枝山前聞】盛起東寅嘗夜夢有人寄椒於家久矣忽欲椒遂私發而用之既覺深自咎曰豈吾平日義心不明以致此耶迄不能寐坐以待旦。【種植】先將肥潤地耕熟二月內取子種之以灰糞和細土覆蓋則易生此物乃陽中之物不耐寒冬月草苦免致凍死來年分栽離七八尺用蔴糞灰糞和細土栽忌水浸根又宜焦土乾糞壅培遇旱用水澆灌三年後換嫩枝方結實以髮纏樹根或種香白芷或種生菜皆辟蛇食椒。【收摘】中伏後晴天帶露收忌手捻陰一日曬三日則紅而裂遇雨薄攤當風處頻翻若燻則黑不香若收作種用乾土拌和埋於避雨水地內深一尺勿令水浸生芽。【製用】去目及閉口者炒熱隔紙鋪地上以碗覆待冷碾紅入藥。

附錄
川椒

【本草】川椒一名巴椒一名蜀椒一名南椒一名蘆藪一名點椒一名含丸使者。見陶穀清異錄蘇頌云木高

四五尺似茱萸而小有鍼刺葉堅而滑可煮飲食四月結子無花但生於枝葉間顆如小豆而圓皮紫赤色李時珍曰蜀椒子光黑如人之腫人故謂之椒目。【園】川椒肉厚皮皺粒小子黑外紅裏白入藥以此

爲良他椒不及也。【四川志】各州縣俱出椒惟茂州出者最佳其殼一翬一合者最妙。

附錄 崖椒

【增】本草】崖椒一名野椒。不甚香。子灰色。不黑無光。

附錄 蔓椒

【增】本草】蔓椒一名豬椒。一名豕椒。一名蕨椒。一名豨椒。一名狗椒。一名金椒。野生林箐間。枝軟如蔓。子葉皆似椒。山人亦食之。

附錄 地椒

【增】本草】地椒出上黨郡。其苗覆地蔓生。莖葉甚細。花作小朵。色紫白。因舊莖而生。卽蔓椒之小者。

【集韻】五言律詩】【增】元許有壬地椒】凍雨催花紫。輕風散野香。刺沙尖葉細。敷地亂條長。楚客收成裏。奚童擲滿筐。行廚供草具。調鼎爾非良。

附錄 胡椒

【增】本草】胡椒一名味履支。向陰生者名澄茄。向陽生者名胡椒。【原】酉陽雜俎】胡椒生西戎摩伽拖國。今南番諸國。滇南海南交趾諸地。皆有之。其苗蔓生。莖極柔弱。葉長寸半。有細條與葉齊。條上結子兩兩對。其葉晨開暮合。合則裹其子於葉中。子形似漢椒。至芳辣。六月採。今作胡盤肉皆用之。

【增】宋史地理志】廣州貢胡椒。【尚書故實】元載家籍財貨諸物。得胡椒八百石。【瀛涯勝覽】

阿枝國產胡椒。往往種於圃。四百斤直金錢百文。銀直五兩。珠以分論。古俚國產胡椒。亦以圃種。十月熟。

【附錄】原【本草】李時珍云。自少嗜胡椒。每歲病目。後痛絕之。目病亦愈。後略食一二。目便昏澀。蓋辛走氣。熱助火也。病咽喉口齒者。亦宜忌之。

附錄 番椒

【附錄】草花譜【番椒】叢生。白花。子儼似禿筆頭。味辣。色紅。甚可觀。子種。

茴香

【附錄】茴香一名蘆香。本草云。俚俗多懷之。矜衽。咀嚼。蘆香之名。或以此。

【附錄】本草【茴香】一名八月珠。【附錄】宿根。深冬生。苗作叢。肥

莖綠葉。五六月開花。如蛇牀花。而色黃。子如麥粒。輕而有細稜。俗呼為大茴香。近道人家園圃種者甚多。以寧夏者為第一。其他處小者名小茴香。辛平無毒。理氣開胃。夏月祛蠅辟臭。煮臭肉。下少許。即不臭。臭醬入末少許。亦香。故曰茴香。

【附錄】原【種植】收時陰乾。宜向陽地。以糞土和子種之。仍種麻一窠。以避日色。十月斫去枯梢。以糞土壅根下。

附錄 八角茴香

園茴香自番舶來者實大如柏實裂成八瓣一瓣一核大如豆黃褐色有仁味更甜俗呼舶茴香又曰八角茴香廣西左右江峒中亦有之形色與中國茴香迥別但氣味同耳【桂海果志】八角茴香北人得之以薦酒少許咀嚼甚芳香

附錄 蒔蘿

【本草】蒔蘿一名慈謀勅一名小茴香 園蒔蘿初生佛誓國今嶺南及近道皆有之三四月生苗開花其子簇生狀如蛇牀子而短微黑芳辛不及茴香善滋食味多食無損健脾開胃下氣利膈溫腸殺魚肉毒補水臟治腎氣壯筋骨治小兒氣脹霍亂嘔逆腹冷不下食兩肋痞滿忌同阿魏食奪其味也

韭

【原韭】說文云一種而久者故謂之一名豐本曲禮云韭一名起陽草一名草鍾乳本草拾遺云一名嬾人菜爾雅翼曰諺云韭者嬾人菜以其不須歲種也莖名韭白根名韭黃花名韭青叢生豐本長葉青翠八月開小白花成叢醃作茹益人 【爾雅】藿山韭【疏】韭生山中者名藿 【本草】山韭一名籤音纖形性與家韭相類但根白葉如燈心苗山中往往有之

【原】詩函風四之日其蚤獻羔祭韭 【禮記王制】庶人春薦韭 【內則】豚春用韭秋用藜

【原】周禮天官朝事之豆其實韭蒞醢醢 【漢書循吏傳】龔遂爲渤海太守勸民務農桑令口種一樹

榆百本。蠶五十本。葱一畦。韭。【晉書石崇傳】崇每冬得韭蒔薑。王愷密貨崇帳下。問其所以。答云。韭

蒔薑是搗韭根雜以麥苗耳。【南齊書庾杲之傳】杲之清貧自業。食惟有韭菹。蒔韭生韭雜菜。或戲

之曰。誰謂庾郎貧。食鮭常有二十七種。言三九也。【周顒傳】顒清貧寡欲。終日長蔬食。雖有妻子。獨處

山舍。文惠太子問顒菜食何味最勝。顒曰。春初早韭。秋末晚菘。【宋史禮志】太宗景祐三年。禮官宗

正請每歲春孟月。薦蔬以韭以菘。配以卵。【食貨志】男女十歲以上。種韭一畦。闊一步。長十步。乏井者

鄰伍爲鑿之。【易稽覽圖】政道得。則陰物變爲陽。【注】若葱變爲韭是也。【山海經】丹熏之山。其草

多韭薤。視山其上多韭。【夏小正】正月囿有韭。【莊子】徐無鬼見魏武侯。武侯曰。先生居山林

食芋栗。厭葱韭。以賓寡人久矣。今老耶。其欲干酒食之味耶。其寡人亦有社稷之福耶。【說苑】衛有

五丈夫。俱負缶而入井。灌韭。終日一區。鄧析過下車。爲教之曰。爲機重其後。輕其前。命曰橋。終日溉韭百

區不倦。五丈夫曰。吾師言曰。有機智之巧。必有機智之敗。我非不知。不欲爲也。【漢武內傳】西王母曰。

仙之次藥。有八阮赤韭。【典術】聖王之世。功濟天下者。堯也。天星降精於庭爲韭。感而爲菖蒲焉。【園

郭林宗別傳】林宗有友人。夜冒雨至。翦韭作炊餅食之。【水經注】從平樂山順流五六里。山甚高峻。

上合下空。中有石林甚整頓。旁生野韭。人往乞者。神許則風吹別分。隨偃而拔。不得過越。不偃而拔。輒凶。

【洛陽伽藍記】陳留侯李崇爲尙書令儀同三司。富傾天下。而性多儉悛。惡衣麤食。常無肉味。止有韭。

雍崇客李元祐語人云李令公一食十八種人問其故元祐曰二韭一十八聞者大笑。【三國世略】北齊太上後宮無限衣皆珠玉一女歲費萬金寒月盡皆食韭芽。【天台山記】赤城山有洗腸井昔曇猷禮石橋應真怪其腹中有韭氣猷出腸洗之至今韭尚叢生焉。【清異錄】杜頤食不可無韭人惡其噉候其僕市還潛取棄之怒罵曰奴狗奴狗安得去此一束金也。【張耒詩注】俗言八月韭佛開口。【爾雅翼】物久必變故老韭爲莧。【五色線】韭多補洩子甚溫俗間呼草鍾乳真誥云務光服韭煎以入清冷之淵也。【北征錄】北邊雲臺戎地多野韭沙葱人皆采而食之。

【集韻】傳【原】明王肅豐本傳【豐本蓋古仙人一號久咏先生相傳伊耆氏之世礪居學道得不死術後出仕於周其職爲醢人屬與昌氏菁氏茆氏共掌俎豆凡祭祀燕享王及后世子之內羞咸取給焉故周公天官書列其職戴氏禮記載其名爾七月詩亦歌其仲春薦廟事周亡不知所之或云隱哇町間與農圃者伍人多怪之或執而髡其首或戕其支體尋復生完衆始知先生爲仙人也漢時與處士郭林宗友林宗館於家客至輒命與同食晉衛尉石崇豪侈擅一世知先生賢咄嗟召之先生亦不拒往就然策崇必敗曰不去將累我我固不憂爲彼累也遽逸去南齊侍中庾杲之家貧好清士每延先生共飯人皆曰庾郎得豐本不爲貧矣唐隱者衛賓與拾遺杜甫善甫嘗過賓宿先生亦冒雨至相與酣飲甚適甫有詩美之載甫集中先生貌蒼古綠髮白趾常被翠羽衣所栖止人望之恆有氣鬱蔥然卽之咀嚼其言論有

至味令人灑然忘俗。壽莫知其幾也。今游會稽巖壑中。時時過山人韓氏亭上。吟翁鍊士多有見之者云。

【賦散句】**陸**漢張衡南都賦。秋韭冬菁。【梁元帝玄覽賦】金鹽玉豉。堯韭舜榮。

【五言律詩】**陸**元許有壬韭花。西風吹野韭。花發滿沙陀。氣較葷蔬媚。功於肉食多。濃香跨薑桂。餘味及瓜茄。我欲收其實。歸山種澗阿。

【五言絕句】**原**宋劉子翬詠韭。肉食嘲三九。終憐氣韻清。一畦春雨足。翠髮翦還生。**陸**明高啓韭。芽抽冒餘濕。掩冉煙中縷。幾夜故人來。尋畦翦春雨。

【七言絕句】**陸**宋方岳種韭。下秧已覺齒生津。坐想堆盤夜雨春。政恐廚人無變饌。庾郎貧不似吾貧。**陸**詩散句**原**宋張耒。荒園秋露瘦韭葉。色茂春蔥甘勝蕨。人言佛見爲下筭。芼炙烹羹更滋滑。**陸**

游舍東種早韭。生計似庾郎。**蘇軾**漸覺東風料峭寒。青蒿黃韭試春盤。**陸**方岳却喜庾郎貧。到骨韭畦時。一摘煙苗。**蔣竹隱**見說周顛誇早韭。斷煙鋤雨幸時分。**宋沈約**時韭日離離。**原**

【唐杜甫】夜雨翦春韭。**陸**韓愈畦肥翦韭薤。**原**白居易秋韭花初白。**宋蘇軾**辛盤得青韭。**陸**陸游雨足韭頭白。**金元好問**韭早春先綠。**元周權**早韭綠且纖。**宋蘇軾**韭芽戴土

拳如蕨。

【別錄】**原**韭根多年交結。則不茂。秋月掘出。去老根分栽。壅以雞豬糞亦可。子種可生可熟。可淹可久。菜之

最有益者是處有之。葉高三寸便剪。剪過糞土壅培之。剪忌日中。一年四五剪。留子者止一剪。子黑而扁。九月熟。收子風中陰乾。勿令沓鬱。韭葉熱根溫。功用同。生則辛。而散痰散血。熟則甘。而補中補腎。除熱下氣。益陽止瀉。子甘溫。暖腰膝。春食香。夏食臭。多食昏神暗目。不可與蜜及牛肉同食。熱病後十日食之。卽發。冬月多食。動宿飲吐水。酒後尤忌。宿韭忌食。五月食韭損人。北人冬月移根窖中。養以火炕。培以馬糞。葉長尺許。不見風日。色黃嫩。謂之韭黃。味甚美。但不益人。多食滯氣發病。【收子】一如收葱子法。如市賣者。以銅鐺盛水。於火上微煮。須臾。生芽者可種。如不生。是衰鬱者。不堪作種。【種植】土欲熟。糞欲勻。畦欲深。二月七月種。先將地掘作坎。取碗覆土上。從碗外落子。以韭性向內生。不向外生也。常薈令淨。四時類要云。收韭子種韭。第一番割棄之。主人勿食。事類書云。韭畦用雞糞尤佳。至五年根必滿。蟠蚪而不長。擇高腴地分種之。正月上辛日。掃去畦中陳葉。以鐵杷攪起。下水加熟糞。高三寸便剪用。凡近城郭有園圃者。種三十餘畦。貿易足供家費。秋後又可採韭花供蔬茹。至冬養韭黃。比常韭易。利數倍。或只就畦中覆以馬糞。北面豎籬障。以禦北風。至春其芽早出。長二三寸。便可賣。較之他菜。爲利甚溥。【圖】吳下田家志】種韭宜甲子辛未己卯辛巳甲申辛卯。【製用】糟韭肥嫩者。赤日曝至將乾。以瓮鋪熟糟一層。排韭一層。相間如此。壓緊收用。鹽韭霜後肥韭淨洗控乾。收磁鉢內。鋪韭一層。撒鹽一層。醃二三宿。翻數次。裝入罐。用元滷。少加香油浸之。醃韭花。韭花半結子時。收摘去蒂梗。一斤用鹽三兩。同搗爛。

入罐中。或就中醃小茄小黃瓜。先別用鹽醃。去水晾三日。入韭花中拌勻。用銅錢三四文。著瓶底。却入韭花妙。

附錄 孝文韭

【增】本草】孝文韭。生塞北山谷。狀如韭。人多食之。云是魏孝文帝所種。

附錄 諸葛韭

【增】本草】諸葛韭。諸葛亮所種。韭更長。彼人食之。李時珍曰。此亦山韭也。但因人命名耳。

附錄 水韭

【增】北戶錄】水韭。生於池塘中。葉似韭。得非龍爪韭乎。字林云。簽音嚴。水中野韭也。 園有二三尺者。五六月。堪食。不葷而脆。

葱

園葱一名菹。本草云。草中有一孔。故字從孔。 一名菜伯。一名和事草。清異錄云。葱和羹。衆味若藥劑。必用甘草也。所以文言曰。和事草。 一名鹿胎。初生曰

葱。鍼葉曰葱。青衣曰葱。袍莖曰葱。白葉中涕曰葱。苒葉溫白與鬚平。味辛無毒。有數種。一種凍葱。即冬葱。

夏衰冬盛。莖葉氣味俱軟。美食用。入藥最善。分莖栽蒔而無子。人稱葱葱。又稱大官葱。謂宜上供也。一種

漢葱。本草云。一名木葱。其莖麤硬。故有木名。 春末開花成叢。青白色。冬即葉枯。亦供食品。胡葱生蜀郡山谷。狀似大蒜而小。

形圓皮赤。葉似葱。根似蒜。味似薤。不甚臭。八月種。五月收。一名蒜葱。又名回回葱。莖葉羸硬。蒼葱。山葱也。生於山谷。似葱而小。細莖大葉。爾雅云。蒼山葱。疏云。葱生山中者名蒼。生沙地者名沙葱。又有一種樓葱。亦冬葱之類。江南人呼爲龍角葱。龍爪葱。羊角葱。皮赤。莖上生根。移下種之。每莖上葉出。岐如八角。故名葱白。辛葉溫根。鬚平主發散。是處皆有。生熟皆可食。更宜冬月。戒多食。四月每朝。空心服葱頭酒。調血氣。正月忌食。令人面起游風。生同蜜食。作下利。燒同蜜食。壅氣殺人。生合棗食。令人病。合犬雉肉食多。令人病。血服地黃。常山人忌用。

【禮記曲禮】葱溲處末。【注】溲。蒸葱也。【內則】膾春用葱。秋用芥。脂用葱。切葱若薤。實諸

醢以柔之。【原】漢書循吏傳。大官園種冬生葱韭菜茹。覆以屋廡。晝夜難蘊。火待溫氣。乃生。信臣以爲

此皆不時之物。有傷於人。不宜以奉供養。【後漢書逸民傳】井丹性清高。未嘗修刺候人。建武末。五王

皆好賓客。更遣請丹。不能致。信陽侯陰就以外戚貴盛。乃詭說五王求錢千萬。約能致丹。而別使人要劫

之。丹不得已。既至。就故爲設麥飯葱葉之食。丹推去之。曰。以君侯能供甘旨。故來相過。何其薄乎。更置盛

饌乃食。【後漢書獨行傳】陸績詣洛陽詔獄。母至京師。作饋食付門卒。以進。績對食悲泣。不能自勝。

使者怪而問其故。績曰。母來不得相見。故泣耳。使者大怒。以爲獄門吏卒通傳意氣。召將案之。績曰。因食

餉羹。識母所自調和。故知來耳。非人告也。使者問何以知母所作乎。績曰。母常截肉。未嘗不方。斷葱以寸

爲度。是以知之。【晉書藝術傳】佛圖澄誡石勒曰。今年葱中有蟲。食必害人。可令百姓無食葱也。勒班告境內。慎無食葱。俄而石葱果走。【原】梁書呂僧珍傳。僧珍去家久。表求拜墓。高祖欲榮之。使爲本州刺史。從父兄子宏。以販葱爲業。僧珍既至。乃棄業欲求州官。僧珍曰。吾荷國重恩。無以報效。汝等自有常分。豈可妄求叨越。但當速反葱肆耳。【圖】唐書屈突通傳。通蒞官勁正。有犯法者。雖親無所回縱。其弟蓋爲長安令。亦以方嚴顯。時爲語曰。寧食三斗艾。不見屈突蓋。寧食三斗葱。不逢屈突通。【西域傳】泥婆羅遣使入獻波稜酢菜。渾提葱。【山海經】邊春之山。多葱葵韭。北單之山。無草木。多葱韭。【管子】齊桓公五年。北征山戎。出冬葱與戎菽布之天下。【莊子】春月飲酒茹葱。以通五臟。【淮南子】君子之於善也。猶采薪者見青葱則拔之。【列仙傳】阮丘蛆山上種葱。百餘年乃去。【漢武內傳】西王母曰。仙人上藥。有玄都綺葱。【春秋元命苞】天門山上有葱。所種畦隴。悉著行人。拔取者悉絕。若請神而求。卽不拔自出。奇異辛香。【四民月令】三月別小葱。六月別大葱。夏葱曰小。冬葱曰大。【東觀漢記】孔奮字君魚。爲姑臧長。前長居官數月。輒致貲產。奮在姑臧四歲。財物不增。唯老母極膳。妻子但食葱菜。或嘲奮曰。置脂膏中。不能自潤。【晉令】居洛陽內園菜。欲以當課者。聽其引長流。灌紫葱。可各三畝。【廣志】休循國居葱嶺東。其山多大葱。【華陽國志】曹公既與先主語失言。會天震雷。先主曰。聖人言迅雷風烈必變。良有以也。曹公亦悔失言。使人窺之。見其拔葱。公曰。大耳公未覺也。其夜先主急

去。【西河舊事】葱嶺在燉煌西八十里。其山高大。上生葱。故曰葱嶺。【續搜神記】新野趙真家園中所種葱。未經抽拔。忽一日盡縮入地。後經歲餘。真之兄弟自相分散。【酉陽雜俎】山上有葱。下有銀。

【清異錄】盤盞葱。趙魏閒有之。幾如拄杖。麤但盈尺耳。

【賦散句】宋謝靈運撰征賦。寒葱標情以凌陰。

【七言絕句】宋陸游葱。瓦盆麥飯伴鄰翁。黃菌青蔬放筯空。一事尙非貧賤分。茱萸僭用大官葱。

【詩散句】宋蘇軾。總角黎家三小童。口吹葱葉送迎翁。【章惇】井丹已厭嘗葱葉。庾亮何勞惜薤

根。【唐曹唐】隴上沙葱葉正齊。【宋陳師道】已辦煮餅澆油葱。【元耶律楚材】勻和豌豆揉

葱白。

【種植】子味辛色黑。作三瓣狀。有皺紋。收取陰乾。若令溫濕則不生。留春月調畦種。良地三剪。薄地再剪。剪宜平且避熱。宜與地平。勿太深太高。八月止。不止則無袍而損白。凡栽葱曬稍焉。將冗鬚去淨。疎行密排。豬雞鴨糞和麤糠壅之。不拘時。冬葱暑種則茂。【吳下田家志】種葱宜甲子甲申己卯辛未辛巳辛卯。【千金月令】冬至日取葫蘆盛葱根莖汁。埋於庭中。夏至開發。盡爲水。以漬金玉銀。石青各三分。自消。曝乾如飴。可休糧久服。神仙名曰金液漿。

附錄 水葱

丹鉛總錄水葱生水中如葱而中空又名翠管此草可為席

詩散句唐王維水驚波兮翠管靡

蒜

園蒜一名葫以來白蕃中一名大蒜一名葷菜葉如蘭莖如葱根如水仙味辛處處有之而北土以為常

食八月分瓣種之當年便成獨顆及熟每顆五七瓣或十餘瓣亦有獨顆者苗嫩時可生食夏初食葷秋

月食種乾者可食至次年春盡花中有實亦作蒜瓣而小可食孫愐唐韻云張騫使西域始得大蒜初時

中國止有小蒜一名茆蒜一名亂一名藪爾雅云一名澤蒜為其生於野澤也又名山蒜石蒜為其生於

山或石邊也本草云山蒜澤蒜石蒜同一物呂忱字林云嗒音水中蒜然則蒜不特生於平原及山石而

又生於水矣本草云別有山慈姑老鴉蒜石蒜之類根葉皆似蒜而不可食性辛溫有小毒其氣薰烈能通五臟達諸竅去寒濕辟邪惡

消癰腫化癥積肉食解暑毒嵐瘴第辛能散氣熱能助火傷肺損目伐性昏神有荏苒受之而不知者鍊

形家以小蒜大蒜韭芸薑胡荽為五葷道家以韭薤蒜芸薑胡荽為五葷佛家以大蒜小蒜興渠慈葱芥

葱為五葷雖品各不同然皆辛薰之物生食增恚熟食發淫有損性靈故絕之云獨顆者切片灸癰疽腫

毒最效月令三月勿食蒜亦忌常食

爾雅孫炎正義黃帝登蒿山遭蘗芋草毒得蒜嚙食乃解遂收植之能殺腥羶蟲魚之毒

【夏小正戴氏傳】卵蒜也者。本如卵者也。【南史張融傳】豫章王大。會賓僚。張融食炙始行。畢行炙人便去。融欲求鹽蒜。口終不言。方搖食指半日乃息。【唐書宗楚客傳】楚客諷趙延禧。陳符命以媚帝。曰去六月九日內出瑞蒜也。【東觀漢記】李恂爲兗州刺史。所種園小麥胡蒜。悉付從事無所留。【崔豹古今注】蒜。卵蒜也。俗人謂之小蒜。外國有蒜。十許子共爲一株。籜幕裹之。尤辛於小蒜。俗人呼之爲大蒜。【園】高士傳。閔貢字仲叔。世稱節士。雖周黨之潔清。自以弗及也。黨見仲叔食無菜。遣以生蒜。仲叔曰。我欲省煩耳。今更作煩耶。受而不食。【鹽】袁子正書。袁子曰。吾嘗與陳子息於鄴東門外。見一老父方坐而食。其子投之蒜。食必有餘。欲棄則惜。欲持去則暑。遂盡食。於是太辛螫其腸胃。兩目盡赤。陳子笑之。吾謂曰。子之家中牛羊數千。而不敢食。天暑有喝死者。而後食之。病子之軀。亦猶是也。【蓮社高賢傳】曇翼入秦望山。誦法華經十二年。感普賢大士化女子身。披采服。攜筠籠一白豕。大蒜兩根。至師前託宿。夜半呼腹疼。告師摩按。師辭以持戒。不應手觸。乃布裹錫杖。遙爲按之。翌日女以采服化祥雲。豕變白象。蒜化雙蓮。凌空而上。謂師曰。我普賢菩薩。特來相試。【異苑】越王餘蒜生南海水中。如竹算子。長尺許。白者似骨。黑者如角。古云。越王曾於舟中作籌。有餘者棄之水中而生。【鄴侯外傳】泌爲兒童時。身輕能於屏風上立。薰籠上行。道者云。十五歲必白日昇天。至其年八月十五日。笙歌在室。時有綵雲挂於庭樹。李氏之親愛。乃多貯蒜。蓋至數斛。伺其異香奇香之至。潛令人登屋。以巨杓颺濃蒜。潑之。香樂

遂散自此更不復至。【清異錄】蒜五代宮中呼麝香草。【因話錄】裴晉公不喜服食。每語人曰。雞豬魚蒜。遇著卽食。【圖經】京口有蒜山。多生大蒜。

【韻藻】五言律詩【題】宋范成大頃在嶠南。其人好食檳榔。合蠣灰。萋藤食之。輒昏然。已而醒快。三物合和。唾如膿血。可厭。今來蜀道。又爲食蒜者所薰。戲題。【旅食諳殊俗。堆盤駭異聞。南餐灰薦蠣。巴饌菜先葷。幸脫萋藤醉。還遭胡蒜薰。絲蓴鄉味好。歸夢水連雲。】

【詩散句】原【明馮琦】再別誰明玉。羣言竟破葫。

【別錄】顏氏家訓【三輔決錄云。前隊大夫范仲公。鹽豉蒜果共一筩。果當作魏顆之顆。北士通呼物一。由改爲一顆。蒜顆是俗間常語耳。故陳思王鶴雀賦曰。頭如顆蒜。目似花椒。江南但呼爲蒜。符不知謂爲顆。學士相承。讀爲裹結之裹。言鹽與蒜共苞一裹內筩中耳。正史削繁音義。又音蒜。顆爲苦戈反。皆失也。】

【原】種植【多能鄙事】熟耕地一二次。爬成溝二寸。一窠種一瓣。苗出高尺餘。頻鋤鬆根。旁頻以糞水澆之。拔去薑則瓣肥大。不則瘦小。澤潞種蒜。初出如翦韭。二三次愈肥美。一說九月初於菜畦中稠栽蒜瓣。候來年春二月。先將地熟鋤數次。每畝上糞數十擔。再鋤耙勻。持木棚插一窠栽一株。栽徧或無雨。常以水澆。至五月大如拳。極佳。【四民月令】布穀鳴。收小蒜。六月七月可種小蒜。八月可種大蒜。【爾雅翼】種蒜宜良軟地。三遍熟耕之。五寸一株。諺曰。左右通鋤。一萬餘株。收條中種者。一年爲獨瓣。二

年成大蒜。科皆如拳。今并州無大蒜。朝歌取種。一歲之後。還成百子蒜。其瓣麤細。正與條中子同。圓
【吳下田家志】種蒜宜戊辰辛未戊申丙子壬辰癸巳辛丑。【製用】醋蒜。淨蒜瓣一斤。用石灰湯焯過
晾乾。用鹽三錢。醃一宿。漉出再晾乾。用鹽七錢炒乾。以頭醋投入炒鹽內。煎一二沸。候冷入罐。泥封。經年
不壞。糟蒜每一斤。石灰湯焯過。晾去水乾。鹽兩半。糟一斤半。拌勻入罐內。泥封。兩月後可食。乾蒜。薑
鹽醃三日。曬乾。元滷煎滾。煤過。又曬乾蒸熟。磁罐盛之。久留不壞。九月勿食蒜。傷神損壽。魂魄不安。
【圖】物類相感志。食蒜令口中不臭。同生薑棗子同食。

附錄 水晶葱

圓水晶葱。葉似葱而實蒜。不臭。宜鬆土鋤溝。擺於內。用牛馬糞糠糝拌土蓋之。仍以芝麻稽蓋於上。八月
種。來年五七月收。宜薑醋浸。

薤

圓薤一名藟子。藟音叫。或作藟者非。一名筱子。筱音鈞。因其根白。呼爲筱字。一名火葱。收種宜火薰。一名菜芝。爾雅翼云。夫物如芝。故薤。英華之美者。莫曰菜芝。一名鴻蒼。爾雅云。藟鴻蒼。注云。卽藟菜也。【圖】西陽雜俎。蔬薤白華。一名守宅。一名家芝。圓本文作藟。韭類也。爾雅翼云。藟似韭。而無實。亦不甚葦。葉中空。似細葱葉。而有稜。氣亦如葱。體光華。露難貯。古人所以歌薤露也。八月栽根。正分時。宜肥壤。數枝一本。則茂而根大。二月開細花。紫白色。根如小蒜。一本數顆。相依而生。五月葉

青則掘之。否則肉不滿。其根煑食。芼酒糟藏醋浸皆宜。故內則云。切葱薤實諸醢以柔之。【本草】蘇恭云。有赤白二種。白者補而美。赤者苦而無味。園味辛苦。溫滑無毒。王禎農書云。生則氣辛。熟則甘美。種之不蠹。食之有益。故學道人資之。老人宜之。【爾雅】薤山薤。【本草】蘇頌曰。山薤莖葉與家薤相類。而根差長。葉差大。僅若鹿葱。體性亦與家薤同。【農書】野薤俗名天薤。生麥原中。葉似薤而小。味益辛。亦可供食。但不多有。

【禮記內則】膏用薤。【園】少儀爲君子擇葱薤。則絕其本末。【後漢書龐參傳】參爲漢陽太守。郡人任棠者有奇節。隱居教授。參到先候之。棠不與言。但以薤一大本。水一盂。置戶屏前。自抱孫兒伏於戶下。主簿白以爲倨。參思其微意。良久曰。棠是欲曉太守也。水者欲吾清也。拔大本薤者。欲吾擊強宗也。抱兒當戶。欲吾開門恤孤也。於是歎息而還。【晉書庾亮傳】亮噉薤。因留白。陶侃問曰。安用此爲。亮曰。故可以種。侃於是尤相稱歎云。非惟風流。兼有爲政之實。【山海經】峽山其草多薤韭。【列仙傳】務光服蒲薤根。【洞冥記】烏哀國有龍爪薤。長九尺。色如玉。煎之有膏。以和紫桂爲丸。服一粒。千歲不饑。故語曰。薤和膏自生毛。【魏略】李孚字子憲。鉅鹿人也。興平中。本郡人民饑困。孚爲諸生。嘗種薤。欲以成計。有從索者。亦不與一莖。亦不自食。故時人謂能行意。【世說】桓公座有參軍掎。蒸薤不時解。共食者又不助。而掎終不放。舉座皆笑。【酉陽雜俎】仙藥有八天赤薤。山上有薤。下有金。【太

平廣記】唐李生與客謁華陰令。客能知人之飲食。客曰。明日必食椒薤酒。果然。【爾雅翼】務光翦薤。以入清冷之淵。今有薤葉篆傳者。以爲務光所作。

【賦散句】宋謝靈運撰征賦。白薤感時而負霜。

【五言律詩】唐杜甫秋日阮隱居致薤三十束。隱者柴門內。畦蔬繞舍秋。盈筐承露薤。不待致書求。束比青葛色。圓齊玉筍頭。衰年關鬲冷。味煖并無憂。

【詩散句】魏甄后。莫以魚肉賤。捐棄葱與薤。【唐杜甫】甚聞霜薤白。重惠意如何。【宋張耒】

輕身強骨榦。却老衛正氣。【蘇軾】細思種薤五十本。大勝取禾三百廩。拔薤已觀賢守政。折蔬聊慰

故人心。【唐于鵠】澆薤亦同渠。【李商隱】薤白羅朝饌。【羅隱】科圓早薤齊。【姚合】種薤栽莎

斲古坡。【方干】薤葉平鋪合選花。【宋楊萬里】薤本新痕割復齊。

【爾雅翼】今人種薤。皆以大蒜置硫黃其中。久則種分爲薤。【園安陸郭坦】兄得天行病。後遂能

大餐。每日食至一斛。五年家貧行乞。一日大饑。至一園食薤一畦。大蒜一畦。便悶極臥地。吐一物如籠。漸縮小。有人撮飯於上。卽消成水。而病尋瘳。此薤散結蒜消癥之一驗也。

荳葵

【園荳葵】葵許氏說文作葵。一名香葵。一名胡葵。一作胡菜。處處種之。莖青而柔。葉細有花歧。立夏後

開細花成簇。如芹菜花。淡紫色。五月收子。如大麻。子亦辛香。子葉俱可用。生熟俱可食。甚有益於世者。根軟而白。多鬚。綏綏然。故謂之葵。張騫得種於西域。故名胡葵。後因石勒諱胡。改作香葵。又以莖葉布散。呼爲葦葵。味辛氣溫。消穀止頭痛。治五臟補不足。利大小腸。通心脾竅。及小腹氣。拔四肢熱。治腸風。合諸菜食。氣香。令人口爽。辟飛尸鬼瘧。蠱毒。冬春采之。香美可食。亦可作菹。道家五葷之一。伏石鍾乳久食。損精神。令人多忘。凡腋氣口臭。鹽齒脚氣。金瘡久病人不可食。同斜蒿食。令人汗臭難產。服補藥。及藥中有白朮牡丹皮者忌。

【園錄】湘山錄：園葵卽胡葵。世傳布種時口誦葵則滋茂。故士大夫以穢談爲撒園葵。

【雜著】明屠本峻野菜箋：相彼莞葵。化胡攜來。臭如葷草。脆比菘薑。肉食者喜。藿食者諧。惟吾佛子。致謹於齋。或言西域興渠。別有種。使我罷食而疑猜。

【別錄】原：種植宜肥濕地。先將子捍開。四五月晦日晚種。以灰糞覆之。水澆則易長。六七月布種者可竟冬食。春月揆子沃水生芽者。小小供食而已。都下火炕鬱蒸者。莖葉鵝黃色。甚香美脆嫩。第非出自然。恐不益人。

